

# Okunnyonnyola Emirembe Omusanvu Egy' Ekkanisa

## Essuula Eyookuna Omulembe Gw'ekkanisa Ya Sumuna

Okubikkulirwa 2:8-11

"Era eri malayika ow'ekkanisa ey'omu Sumuna wandiika nti, Bw'Ati bw'Ayogera ow'olubereberye era ow'enkomerero, eyali Afudde n'Aba omulamu nti;

Mmanyi okubonaabona kwo n'obwavu bwo (naye oli mugagga) n'okuvvoola kw'abo abeeyita Abayudaaya so nga si bo, naye kkunngaaniro lya Setaani.

Totya by'ogenda okubonaabona: laba, omulyolyomi oyo agenda okusuula abamu ku mmwe mu kkomera, mukemebwe; era mulibonaabonera ennaku kkumi. Beeranga mwesigwa okutuusa okufa, Nange Ndikuwa engule ey'obulamu.

Alina okutu awulire Omwoyo ky'Agamba ekkanisa. Awangula talirumwa n'akatono kufa kwa kubiri."

### Ennyanjula

Okusobola okuzza obujja endowooza zaffe njagala nate ndage engeri gye tuzuulamu amannya g'ababaka b'emirembe egitali gimu. Katonda mu ntegeka Ye ey'oku ntikko Yakakasa nti ebyafaayo by'Endagaano Empya tebibula, mu ngeri y'emu nga bwe Yakakasa nti ebyafaayo bya Isiraeri nabyo tebibula n'Abiteeka mu Bayibuli ate kati n'Abikakasa okuva mu nnamungi w'emizingo, ebibya ebumbe n'ebiyemikono ebirala abakugu mu kunoonyereza ebyafaayo by'omuntu bye bazudde ne babivvuunula. Ddala tulina ebinnyonnyola ku byafaayo bya Bayibuli okuva ku lupapula olusooka okutuuka kaakati.

Kale okuyita mu kusoma ebyafaayo tusobola okuzuula muntu ki oba bantu ki mu mirembe egitali gimu abaasinga okugendera awamu n'enkola ya Katonda embereberye, Omutume Pawulo. Abo Katonda be Yakozesa okukomyawo abantu be eri Ekigambo Kye eky'Amazima abo be twekenneenya. Kale mu abo mwe mujja okuva buli omu olwa buli mulembe ng'oyo y'asinga okufaanana Ekigambo mu nkola ne mu maanyi. Oyo y'anaabeera omubaka. Emirembe nagyo ginoonyezebwa okuyita mu kusoma ebyafaayo. Kyetaagisa omuntu kusoma busomi emirembe nga bwe giri mu Kubikkulirwa era gyonna gikwataganira ddala wamu n'ebiyafaanyo era nga DDALA BWE KITEEKWA OKUBA. Emirembe gy'ekkanisa okuva Katonda bwe Yagiragula n'embeera zaagyo zennyini ne zibikkulwa, kiba olwo kyetaagisa ebyafaayo ebyali bigenda okuddirira bibeere nga Bayibuli bw'ebiraga. Kyangu bwe kityo — naye ng'obwangu ky'ekisumuluzo eri Ekigambo. Kaakano nga bino byonna tubitadde wamu sibadde musomi busomi era omunnabyafaayo, nfubye okubeera omuntu ow'omwoyo, era okulonda abasajja be nnonze nnikozenga na kukakasibwa kwa Mwoyo wa Katonda kwennyini. Katonda Amanyi omutima gwange nga kino kituufu.

### Omubaka

Nga tveyambisa enkola Katonda gy'Atuwadde ey'okulondangamu omubaka eri buli mulembe, awatali kwekengeramu tulangirira nti Irenaeus yayimusibwa Mukama okumutuusa ku ddaala eryo. Yali tuyigirizwa w'omutukuvu era omuserikale w'okukkiriza, Polycarp. Era tewali kubuusabuusa nga bwe yatuulanga wansi w'omusajja oyo ow'ekitalo yayiganga ekisa ekyakulukutanga okuva mu bulamu bwe obumalirivu, kubanga Polycarp yali omu ku by'okulabirako by'abatukuvu bennyini ab'emirembe gyonna nga kitunuuliddwa okusinziira mu bulamu obutaliiko bbala.

Mujja kujjukira okuva mu kusoma kwammwe nti Polycarp yattibwa ng'omujulizi. Yali mukadde nnyo nga tasobola kudduka, era omwesimbu ennyo ataalekanga mulala kumukweka ate ye abonerezebwe olw'ekyo, yeewaayo eri okufa. Wabula ekyo nga

tannakikola yasaba era n'akkirizibwa amale essaawa bbiri ng'asabira baganda be mu Mukama, abafuzi, abalabe be n'abaamuwamba. Ng'abatukuvu ab'ekitalo ab'emirembe gyonna, n'okwegomba okuzuukira okusingako, yayimirira n'obugumu, n'agaana okwegaana Mukama, n'afa ng'emmeeme ye terina ky'erumirizibwa. Yateekebwa ku nkondo (nga tasibiddwa nga kino ye yakisaba) omuliro ne gukoleezebwa. Omuliro gwakutama ne gugaana okukwata ku mubiri gwe. Olwo n'afumitibwa n'ekitala. Kino nga kikolebwa, amazzi gaafukumuka mu mbiriizi ze ne gazikiza ennimi z'omuliro. Omwoyo gwe gwalabirwa ddala mu ngeri y'ejjiba eryeru nga liva mu kifuba kye. Naye wadde yalina obujulizi buno bwonna obw'ekitalo, omuyizi wa Yokaana ono (omuwandiisi w'Okubikkulirwa) teyalwanyisa nkola ya Nikolayiti, kubanga yeesigama ku kibiina, n'atamanya nti okuyaayaanira okukunngaana n'ebyo ebyalabikanga ng'entegeka ennungi okusitula omulimu gwa Katonda kaali ddala kakodyo ka mulabe.

Ku Irenaeus tekyali bwe kityo. Yawakanyiza ddala enkola yonna ey'ekibiina ekitegeke (eddiini eddukanyizibwa abantu ng'omusingi gwayo teguli ku bikolwa by'Abatume ne bannabbi). Ekirala, ebyafaayo by'obulamu bwe, nga bwe yaweereza Mukama byali ebimu ku kweyoleka okungi okw'Omwoyo Omutukuvu; era Ekigambo kyayigirizibwa n'obutangaavu obutali bwa bulijjo ate nga kyafaananira ddala nga bwe kyawandiikibwa okusooka. Amakanisa ge mu Bufaransa gaalinamu ebirabo by'Omwoyo, kubanga abatukuvu baayogera mu nnimi ne balagula, ne bazuukiza abafu, ne bawonya abalwadde be baasabiranga mu kukkiriza. Yalaba akabenje ak'obwoluganda obutegeke obutegesi mu bakadde, abasumba n'abalala. Yanywera nnyo mu kuwagira obumu, obujjuvu bw'Omwoyo n'okweyoleka kw'ebirabo mu kkanisa y'ewaabwe. Era Katonda yamugulumiza kubanga amaanyi ga Katonda geeyoleka mu batukuvu.

Yali mutangaavu nnyo ku ngeri gye yali ategeramu obulamba bwa Katonda. Era okuva bwe yali omuyigirizwa wa Polycarp, oluvannyuma eyafuuka omuyigirizwa w'Omutukuvu Yokaana, ddala tuyinza okukakasa nti yalina okuyigiriza okutuufu ku ky'okuyiga kino. Mu kitabo ekiyitibwa Ante Nicene Fathers Vol. I olupapula 412 tunokoddeyo ekigambo kino kye yayogera ku Bulamba bwa Katonda. "Ebigambo ebirala byonna mu ngeri y'emu, biggyayo omutwe gwa muntu omu, era ekintu kye kimu Mukama ow'Amaanyi gonna Mukama, Kitaawe wa Bonna Katonda Ayinza Byonna, Ali Waggulu Ennyo, Omuronzi, Omukozi, n'ebifaanana bwe bityo bino si mannya na mitwe eby'abantu oba ebintu eby'enjawulo ebiddirinngana wabula, bya muntu omu era nge y'omu." Yakitangaaliza ddala nti bino mitwe butwe nga Ekimyula kya Saloni, Emmunyeenyenye y'oku Nkya, Asingayo mu mutwalo n'ebirala. Era tewali mulala wabula Katonda OMU. Erinnya Lye ye Mukama Yesu Kristo.

Kale nga bwe yagondera ennyo Ekigambo, engeri ey'amagero gye yategeeramu ennyo Ebyawandiikibwa, n'amaanyi ga Katonda ageeyolekanga mu buweereza obwo, ye mutuufu okulondebwa eri omulembe ogwo. Okutwalira awamu kya mukisa mubi nti emirembe emirala mu babaka baagyo temwalimu kugeraageranyizibwa kwa kibala, amaanyi n'obukulembeze mu Mwoyo Omutukuvu n'Ekigambo.

### Sumuna

Ekibuga Sumuna kyaliko katono mu mambuka ga Efeso ku nkomerero y'Ekyondo kya Sumuna (Smyrna Gulf). Olw'omwalo gwakyo omulungi ennyo kyali masannganzira ga bya busubuzi ne kyatiikirira olw'ebiyamagazi ebyakivangamu. Ate era kyayatiikirira olw'amatendekero g'aboogezi ag'ebifirossofa, eddagala, ssaayansi, n'ebizimbe ebirungi. Mwalingamu Abayudaaya bangi, abatakkiriziganya na Bukulisiaayo n'akatono, so nga bo Abarumi baasinga nawo. Mu butuufu, Polycarp, omulabirizi eyasooka mu Sumuna yafa ng'omujulizi ng'atugumbulwa Abayudaaya era kigambibwa nti Abayudaaya baatyoboola n'olunaku Iwabwe olukulu (Olw'omukaaga) okwetikka embaawo ez'okukola akaguli ak'okwokeramu omulambo gwe.

Ekigambo Sumuna kitegeeza, "kukaawa", nga kiva mu kigambo obubaane. Obubaane bwakozesewanga mu kuziraga emirambo gireme okuvunda. Kale tulina amakulu ga mirundi ebiri agasangibwa mu linnya ly'omulembe guno. Gwali mulembe ogukaawa ogwali gujjuppe okufa. Emizabbibu ebiri mu mubiri gw'ekkanisa gyali gigenda mu maaso nga gyawukana nga ogw'obulimba gweyongedde okukyawa ogw'amazima. Okufa si ye yali ensigo yokka ey'omuzabbibu ogw'obulimba wabula ne mu guli ogw'amazima mwalimu obussannyalavu n'obulema kubanga gyali gyava dda ku mazima agatali matabulemu emyaka mitono oluvannyuma lwa Pentekoote; era tewali mukkiriza mutuufu alina maanyi na bulamu mu mwoyo lwa kintu kirala okuggyako okugondera

Ekigambo kya Katonda, nga bwe kirabibwa mu nnamungi w'ebi'okulabirako ebiri mu Ndagaano Enkadde. Ekibiina ky'eddiini kyali kikulira ku mbiro, nga kyeyongera era nga kiggumiza okufa okuli mu bwammembwa, kubanga obukulembeze bw'Omwoyo Omutukuvu bwali bumaamuddwako nga mu kifo ky'Ekigambo, bikwate, biragiro n'obulombolombo bw'abantu bye byali bizziddwawo.

Isiraeri bwe yeegatta n'ensi mu ngeri emenza amateeka, n'ekola enkunngaana ng'eyita mu kufimbiriganwa, olunaku Iwatuuka ensi n'ebamaamulako era Babuloni n'etwala abantu ba Katonda mu buwambe. Bwe baawambibwa baatwalibwa balina obwakabona, yeekaalu n'Ekigambo. Naye bwe badda baalina balabbi, amadaala g'Abaafalisaayo mu kusomerera eby'eddiini, ekkunngaaniro n'ebiwandiiko by'amateeka (Talmud). Kati Yesu Yagenda okujja nga boonoonefu nnyo n'okubayita n'Abayita ba kitaabwe setaani, wadde mu mubiri baali ba Ibulayimu. Mu mulembe guno tulaba ekintu kye kimu kizzeemu. Naye ate, nga bwe kiri nti "Isiraeri yonna" si ye Isiraeri, wabula akabiina akatono be baali Abayisiraeri ab'Omwoyo, kale waalina okubeerawo bulijjo akabiina akatono ak'Abakulisitaayo abatuufu, omugole wa Kristo, okutuusa Iwe Yakima ababe.

Mu kibuga kino mwalimu yeekaalu bbiri entutumufu. Emu yazimbibwa basinzingamu Zewu, n'endala yazimbirwa Cybele. Era wakati wa ziyeekaalu zino waaliwo oluguudo olwali lusinga obulungi mu nguudo ezo ez'edda olwayitbwanga Oluguudo Iwa Zaabu. Ku Iwange kino kyongera okundaga ekifaananyi eky'okwetyongera mu maaso mu bukaafiiri obwali bwatandika edda mu mulembe ogwasooka, wabula bwali bumanyiddwa okuba nti bwali mu Rooma yokka. Okugatta yeekaalu zombi eya katonda omukazi n'omusajja y'ensibuko y'okusinza Malyamu mwe bava okuyita Malyamu nnyina wa Katonda era n'afuna ekitiibwa n'obuyinza ebimuteeka ku ddaala limu ne Yesu Kristo.

Oluguudo Iwa Zaabu oluzigatta kifaananyi kya mululu ekyaleetera ab'entegeka za Nikolayiti okugatta awamu eggwanga n'ekkanisa kubanga baamanya obugagga n'obuyinza bye baafunamu. Omulembe gwa Efeso nga bwe gwasibukamu Omulembe gwa Perugamo ogw'omutawaana ogwali gugenda okujja mu maaso, guno ogwa Sumuna gwe gwali enkuba, enjuba, n'okuliikiriza bino ne biyamba obuvundu obwali obw'okunnyika ekkanisa mu kusinza ebifaananyi ate ng'obwo bwe bwensi bw'omu mwoyo, mwe yali tasobola kusituka. Okufa kwali kuyingiza omulandira gwakwo mu ttabi era abo abaamulyako, baalya ku bikaawa na kufa.

Omulembe guno gwatandika mu mwaka 170 ne guggwa mu 312 A.D.

#### Okulamusia

Okubikkulirwa 2:8,

" . . . Bw'Ati bw'Ayogera ow'olubereberye era Ow'enkomerero eyali afudde era n'Aba omulamu."

"Omubereberye era Asembayo Eyafa era omulamu." Kati bino si bigambo bya muntu. Omuntu obuntu (yandyogeredde mu ntaana?) yandigambye, "Nze mubereberye era Asembayo Eyali omulamu kati nga Ndi mufu." Ekintu ekisooka okubeera ku muntu, asooka kuaalibwa (mulamu) era ekitsembayo kiri nti afa. Kale ono ayogera si muntu. Ono Katonda. Omuntu (Adamu) yaddira obulamu n'abufuula okufa. Naye ye OMUNTU ono (Yesu) Yaddira okufa n'Akufuula obulamu. Adamu obutavunaanwa musango yabufuula omusango. Ono Yaddira omusango n'Agufuula obutuukirivu. Adamu yaddira olusuku n'alufuula eddungu ly'ekizikiza ky'omu mwoyo; okwonooneka kw'empisa, obulumi, okubonaabona, obulimba, n'obuvundu bw'empisa obuli mu mmeeme z'abantu. Naye Ono, okuva mu kufa kwonna n'okuseebengerera ebyajjula omuntu yabiggyamu obulamu obw'obutuukirivu n'obulungi, kale ekibi nga bwe kyafugako nga kitwala abantu mu kufa, kaakano abantu bafuge mu butuukirivu okuyita mu Oyo Yesu Kristo; si ng'omusango bwe gwali newankubadde gwali mubi nnyo, naye kaakano ekirabo kye kisingawo.

Era wuuno wano, Atambulira wakati mu abo be Yanunula, ekkanisa Ye. Era abo be Yanunula baali bantu ki? Bangi ku bo nga Pawulo, tebaali batemu era abaayonoonga abalala? Bangi ku bo tebaali ng'omubbi eyafiira ku musaalaba, banyazi era bassi b'abantu? Byonna birabo bya kisa Kye. Bonna baakomezebwawo okuva mu kufa. Bonna bafuulibwa BALAMU mu Kristo Yesu, Mukama.

Simanyi oba mwetegereza okulamusia kw'omu mulembe ogusooka n'okwa guno. Kwonna mukuteeke wamu. "Bw'Ati bw'Ayogera Oyo Akwata emmunyeenyne omusanvu

mu mukono Gwe ogwa ddyo Atambulira wakati mu makanisa. Bw'Ati bw'Ayogera ow'Olubereberye era ow'Enkomerero Eyali Afudde n'Aba omulamu." Ono omuntu Ali omu era y'omu. Era Atumanyisa nti ekkanisa yiye.

Ng'ensigo y'ekibala bw'eri wakati mu kibala, naye bw'Atyo bw'Ali. Ensigo Ennangira, wakati mu lusuku. Ng'ensigo yokka bw'erina obulamu mu yo yokka, naye bw'Atyo y'Alina obulamu bw'ekkanisa. Okutambula Kwe kulaga ng'Abw'Agirabirira obutakoowa. Ye Musumba Omukulu nga Yeerundira ezize. Eryo ddembe Lye, kubanga ekkanisa eyo Yagigula n'omusaayi Gwe. Omusaayi ogwo gwe musaayi gwa Katonda. Nnannyini kkanisa eyo ye Katonda, Katonda ddala. Nnannyini kkanisa eyo ye Katonda, Katonda Yennyini. "Y'asooka era Y'akomererayo." Ekitiibwa ekyo kiraga obutakoma. Yali mufu era kati mulamu. Yasasula omuwendo, kale Alina obwannannyini bwonna ku yeekaalu ya Katonda. Agifuga. Mu yo mwe bamusinziza. Alemesa omuntu yenna awtala obwami bwe n'obukulu bwe Asigala nga Mukama nnannyini buyinza. Awatali kubuusabuusa ensonga Iwaki Yeeyanjula eri buli mulembe nga Katonda eri nti Akikola Iwa kulabula n'okugumya abantu. Alabula omuzabbibu ogw'obulimba, n'Azzaamu amaanyi omuzabbibu ogw'amazima. Ono ye KATONDA OMU OW'AMAZIMA AYINZA BYONNA. Mumuwulire mubeere abalamu.

#### Embeera Z'omulembe

Okubukkulirwa 2:9,

*"Mmanyi okubonaabona kwo, n'obwavu bwo (naye oli mugagga), n'okuvvoola kw'abo abeeyita Abayudaaya so nga si bo, naye kkunngaaniro lya Setaani."*

Ekisumulizo eri omulembe guno kyeragira ddala nga kibonyoobonyo. Oba waaliwo ekibonyoobonyo mu mulembe ogwasooka, kaakati walaguddwawo ekibonyoobonyo okumalako omulembe gwonna ogwokubiri. Tewali kubuusabuusa wabula ebimagbo bya Pawulo bino wammanga bikwata ku nnamungi w'Abakulistaayo wonna we bali mu nsi mu buli mulembe.

Abaebbulani 10:32-38,

*"Naye mujjukire ennaku ez'edda, bwe mwamala okwakirwa, ze mwagumiikirizaamu okufuba okunene okw'ebibonoobono.*

*Olulala bwe mwafuuka ekyelorerwa olw'ebivume n'okulaba ennaku; olulala, bwe mwassa ekimu n'abo abaakolerwa ebyo.*

*Kubanga mwasaasira abasibe, era mwagumiikiriza n'essanyu okunyagibwako ebintu byammwe, nga mutegeera nga mulina mwekka ebintu ebisinga obulungi era eby'olubeerera.*

*Kale temusuulanga bugumu bwammwe, obuliko empeera ennene. Kubanga mwetaaga okugumiikriza, bwe mulimala okukola Katonda by'Ayagala mulyoke muweebwe ekyasuubizibwa.*

*Kubanga wakyasigaddeyo akaseera katono nnyo, Ajja Alituuka, so Talirwa.*

*Naye omutuukirivu wange aliba mulamu Iwa kukkiriza: Era bw'addayo ennyuma, emmeeme yange temusanyukira."*

abantu ab'emitima egy'ekisa okukolagana obukolaganyi n'omukkiriza omutuufu kiyinza okuvaamu okufa olw'ekisa kyabwe.

Kaakati Mukama Katonda Ayinza Byonna Agamba, "MMANYI." Wuuyo awo, Omusumba Omukulu w'ekisibo. Wabula okuyigganyizibwa Akuggyawo? Ekibonyoobonyo akggyawo? Nedda, Takikola. Agamba bugambi nti "MMANYI okuyigganyizibwa kwammwe —." tekiri nti Sitaddeeyo mwoyo ku kubonaabona kwammwe. So nga kino kyesittaza abantu bangi. Okufaanana nga Isiraeri beewuunya ova nga ddala Katonda Abaagala. Katonda Ayinza Atya okuba ng'Alina okwagala n'obwenkanya n'Atunuulira obutunuulizi abantu Be nga babonaabona?

Eyo y'ensonga Iwaki mu Malaki 1:1-3,

*"Omugugu ogw'ekigambo kya Mukama eri Isiraeri ekyajjiira Malaki.*

*Nnabaagala, bw'Ayogera Mukama. Era naye mwogera nti Watwagala otya? Esawu teyali muganda wa Yakobo?*

*bw'Ayogera Mukama: era naye Nnamwagala Yakobo; naye Esawu Nnamukyawa ne Nfuula ensozi ze okuba amatongo, ne Mpa obusika bwe ebibe eby'omu ddungu."*

Olabo, baali tebasobola kulaba (kutegeera) kwagal kwa Katonda. Baalowooza nti

okwagala kwa Katonda kyali tekitegeeza kubonaabona. Baalwooza nti okwagala kitegeeza omwana omuwere okulabirirwa omuzadde. Naye Katonda Yagamba nti okwagala Kwe kwo "kulonda". OKULONDA bwe bukakafu obulaga okwagala Kwe — nti si nsonga oba kiki ekyabangawo, okwagala Kwe kwakakasibwanga olw'abo abaalondebwanga eri obulokozi (kubanga Katonda Akulonze eri obulokozi ng'Omwoyo Akutukuza era ng'okkiriza amazima). Ayinza okukuwaayo eri okufa nga bwe Yakola Pawulo. Ayinza okukuwaayo nga bwe Yakola Yobu. Eryo ddembe Lye. Ye nnyini buyinza obw'oku ntikko. Naye byonna biri bwe bityo Iwa kigendererwa. Singa teyalina kigendererwa olwo ye Yandibadde omukulu w'okunakuwala so si ow'emirembe. Ekigendererwa kiri nti nga tumaze okubonaabona okumala ekiseera tulyoke tutuukirizibwe, tunywezebw, tuzzibwemu amaanyi era tutereere. Nga Yobu bwe Yagamba, "Atuteekamu amaanyi." (Yobu 23:6b.) Olaba Ye, Yennyini Yabonaabona. Yayiga okugonda ng'Ayita mu bintu bye Yabonaabona.

Abaebbulaniya 5:8-9.

*"Newankubadde nga Mwana naye Yayiga okugonda olw'ebyo bye Yabonaabona. Awo bwe Yamala okutuukirizibwa n'Afuuka ensonga y'obulokozi obutaggwaawo eri abo bona abamuwlira."*

Mu lulimi olutegeerekeka obulungi, empisa za Yesu zaatuukirizibwa kuyita mu kubonaabona. Era nga Pawulo bw'agamba Awadde ekklesia Ye ekigera ky'okubonaabona, bwe batyo nabo olw'okukkiriza mu Katonda nga bamubonaabonera batuuke mu kutuukirizibwa (nga tebaliiko kamogo). Kino Iwaki Yakyagala?

Yakobo 1:2-4,

*"Mulowoozenga byonna okuba essanyu, baganda bange, bwe munaagwanga mu kukemebwa okutali kumu.*

*Nga mutegeera ng'okugezebw kw'okukkiriza kwammwe kuleeta okugumiikiriza. Era omulimu gw'okugumiikiriza gutuukirirenga, mulyoke mubeere abaatuukirira abalina byonna, abataweebuuka mu kigambo kyonna."*

Lwaki Ayimirira kumpi? Ensonga eri mu Baruumi 8:17-18,

*"Naye bwe tuli abaana, era tuli basika: abasika ba Katonda, era abasikira awamu ne Kristo; bwe tubonaabonera awamu, era tulyoke tuweerwe wamu ekitiibwa.*

*Kubanga ng'era ng'okubonaabona okw'omu biro bya kaakati nga tekutuuka kwenkanyankanya n'ekitiibwa ekigenda okutubikkulirwa."*

Okuggyako nga tubonaabona naye tetuyinza kufuga naye. Okufuga, olina okubonaabona. Ensonga eri nti okuba n'empisa tekijja watali kubonaabona. Empisa BUWANGUZI, si kirabo. Omuntu atalina mpisa tasobola kufuga kubanga obuyinza omutali mpisa buba bwa Setaani. Naye obuyinza obulimu n'empisa busaanidde okufuga. Era okuva Iw'Ayagala tugabane naye nnamulondo Ye mu ngeri y'emu nga Ye bwe Yawangula n'Atuula wansi wa nnamulondo ya Kitaawe naffe olwo tulina okuwangula tusobole okutuula naye. Era okubonaabona okutono kwe tuyitamu okumala akaseera tekusaanidde kugeraageranyizibwa ku kitiiwa ekiritubikkulirwa bw'Alijja. Oh, so eby'omuwendo ebiterekeddwa eri abo abeetegefu okuyingira mu bwakabaka Bwe okuyita mu kubonaabona okungi.

*"Temwewuunyanga olw'okugezesebwa okujja gye muli."*

Ekyo Peetero kye yayogera. Kyewuunyisa nti Katonda Ayagala tubeere n'empisa okufaanana Kristo nga tuyita mu kubonaabona? Nedda ssebo. Era ffenna tulina okugezesebwa. Ffenna tugezesebwa ne tubonerezebwa ng'abaana. Tewali atayita mu ebyo. Ekklesia etabonaabona, era nga tegezesebwa eba tekifunye — si ya Katonda.

Abaebbulaniya 12:6, 8,

*"Kubanga Mukama gw'Ayagala Amukangavvula, era Akuba buli mwana gw'Akkiriza. Olw'okukangavvulwa kye munaavanga mugumiikiriza; kuba mwana ki kitaawe gw'atakangavvula? Naye bwe munaaberanga awatali kukangavvulwa, okugwana okututuukako fenna, muli beeboleereze, so si abaana."*

Kati embeera eno ey'enjawulo eri mu Sumuna eteekwa okugezesebwa ku buli mulembe. Tewali mulembe mw'etali. Tewali mukkiriza mutuufu gw'etatuukako. Kino kya Katonda. Eno y'enteeketeeka ya Katonda. Kyetaagisa. Twetaaga Mukama Atuyigirize amazima nti tuli ba kubonaabona era mu kwo tufaanane nga Kristo. "Okwagala kugumiikiriza era kwa kisa."

Matayo 5:11-12,

"Mmwe mulina omukisa bwe banaabavumanga, bwe banaabayigganya bwe banaabawaayiranga buli kigambo kibi, okubavunaanya Nze.

*Musanyuke mujaguze nnyo: kubanga empeera yammwe nnyingi mu ggulu: kubanga bwe batyo bwe baayigganya bannbbi abaasooka mmwe.*

Kazigizigi n'embuyaga mu bulamu si bubonero obulaga nti Katonda aba Tasiimye. Ate era obudde obutangaavu n'amazzi amateefu si bwe bubonero obulaga okwagala Kwe n'okusima Kwe. Ye okusima omuntu yenna ku ffe ekkyo kisangibwa mu BAAGALWA. Okwagala Kwe kwe Yalina gye tuli ng'emisingi gy'ensi teginnabeerawo, kulonda. Atwagala? Yee. Naye tunaamanya tutya? Tujja kumanya kubanga bw'Atyo bwe YAYOGERA, era n'Ayoleka nti Yatwagala kubanga Yatutwala ewuwe n'Atuwa Omwoyo We n'Atuteeka mu bifo ng'abaana. Era nze nnaamulaga ntya okwagala kwange? Nga nzikiriza ekkyo kye Yayogera, era nga nsanyukira wakati mu bigezo ebyo Ye mu magezi Ge by'Akkiriza bibeerewo.

*"Mmanyi obwavu bwammwe (naye oli mugagga)."*

Kiikyo awo nate. Mumulabe bw'Atambula wano na wali wakati mu Kkanisa Ye. Okufaanana ng'omusajja omuzadde Atunuulidde amaka Ge. Ye Mutwe gw'amaka Ge. Y'Agabirira. Ye mukuumi. Naye ate Atunuulira obwavu bwabwe. Omukkiriza atalina muyambi (amulabirira ova amukulembera) kino nga kimwesittaza. Katonda Ayinza Atya okuguma ng'Alaba abantu Be bali mu bwetaavu n'Atayimiriza mbeera eyo — Abayiire buli kintu kyonna?

Wano w'olina okukkiririza mu kwagala, obulungi n'amagezi ga Katonda. Kino nakyo kyetaagisa. Jjukira Yalabula "Temweraliikiriranga Iwa nkya, kye munaalya ova kye munaayambala. Kitammwe Amayi bye mwetaaga. Oyo Ayambaza amalanga n'Aliisa enkazalujja Alibakolera n'okusingawo. Ebintu bino eby'omubiri si by'ebintu ebisookerwako omuntu bye yeetaaga, kubanga obulamu bw'omuntu tebuli mu bintu by'alina. Wabula sooka onoonye obwakabaka bwa Katonda n'Obutuukirivu Bwe n'ebintu bino byonna eby'omubiri binnakwongerwako."

Abantu ba Katonda emitima gyabwe tegiba ku bintu bya mubiri. Giba ku Kristo. Tebanoonya bya miwendo bino ebiri wansi; banoonya ebyo ebiri waggulu. Kituufu ddala Abakulisitaayo abasinga obungi Si bagagga naye baavu. Bwe kityo bwe kyali mu nnaku za Yesu. Bwe kyali mu nnaku za Pawulo era bwe kirina okuba ne leero. Oh, naye si bwe kiri leero kubanga Omulembe gwa Lawodikiya mugagga nnyo nga minzaani kwe bapimira eby'omwoyo bwe bungi bw'ebintu by'ensi. Owange, so ekkanisa nga ngagga ya bintu! Wabula nga mu mwoyo njavu. "Mulina omukisa mmwe abaavu, kubanga ebyammwe bwe bwakabaka bwa Katonda. Obwakabaka bwa Katonda Si kunywa na kulya." Si bintu ebiggwaawo. Buli Mu ffe. Omuntu omugagga abeera mugagga mu Katonda so si mu bintu bya nsi.

"Oh," Omwoyo Akaaba, "Ndaba obwavu bwammwe. Ndaba obwetaavu bwammwe. Temulina na bingi nnyo bwe kuba okwenyimiriza. Bye mubadde nabyo bibajjiddwako. Mwasanyuka okuwaayo ebintu byammwe ne muwaanyisaamu ebitaggwaawo. Musekererwa. Babajerega. Temulina nsibuko ya bintu kwe muyinza kudda ne mwesigama. Wabula wadde embeera eri bw'etyo muli bagagga. Obukumi bwammwe buli mu Oyo, y'engabo yammwe era empeera yammwe ey'ekitalo. Obwakabaka bwammwe tebunnajja. Naye bwa kujja. Era bugenda kuba bwa lubeerera. Yee, Nfaayo ku kugezesewa kwammwe n'ebiwoobe. Mmanyi nga bwe kiri ekizibu okugenda mu maaso. Naye bino byonna Ndibijjukira bwe Ndidda okubeddiza ng'abange era olwo Ndibawa empeera."

Kati kuno si kukoona bagagga kubanga Katonda Ayinza okulokola omugagga. Abamu ku baana ba Katonda bagagga. Wabula essente ziyinza okuba ekyambika, si eri abo bokka abazirina naye n'abo abatazirina. Edda mu mulembe ogwasooka, Yakobo yayogerera waggulu eri abo abaali beesigama ku bantu abagagga, "Temubanga na kukkanira kwa Mukama waffe Yesu Kristo ow'ekitiibwa, ate ne muba n'okusosolanga mu bantu." Abaavu baalinga awo nga bagezaako okuwaana abagagga basobole okufuna obuyambi mu kifo ky'okwesiga Katonda. "Temukikola," bw'agamba Yakobo. "Temukikola. Ssente si mwe muli buli kintu. Ssente si ye kamala byonna." Wadde ne leero si ye kamala byonna. Tulina obugagga bungi okusinga bwe twali tubadde nabwo so nga mu by'omwoyo bitono ebituukirizibwa. Katonda ssente si z'Akozesa. Akola ng'Ayita mu Mwoyo Gwe. Era okutambula okwo okw'Omwoyo kujja eri obulamu obwo bwokka obwewaddeyo eri Ekigambo.

### Ekkunngaaniro Lya Setaani

Okubikkulirwa 2:9b

*"N'okuvvoola kw'abo abeeyita Abayudaaya so nga si bo, naye kkunngaaniro lya Setaani."*

Olunyiriri luuluno olujja okwetaaga okuloozebwako ekimala, si Iwa kuba nti ebirulimu bya njawulo naye n'okuddibwamu kumpi luddiddwamu mu mulembe ogumu oluvanyuma lw'emyaka lukumi.

Okubikkulirwa 2:9

*"Nti Mmanyi ebikolwa byo, okubonaabona kwo n'obwavu bwo (naye oli mugagga), n'okuvvoola kw'abo abeeyita Abayudaaya so nga si bo, naye kkunngaaniro lya Setaani."*

Okusooka, ekigambo, Abayuddaya, tekinnyyonnyola ku ddiini ya Kiyudaaya. Kyogera ku bantu ba Yuda bokka era kirina amakulu ddala ge gamu nga bwe nnandigambye nti nsibuka mu lulyo Iwa ba Irish. Abantu bano baali bagamba nti ddala baali Bayudaya, Abayudaaya bennyini olw'obuzaale. Baali balimba. Tebaali Bayudaaya bazaale wadde tebaali Bayudaaya Iwa ddiini.

Oba bino byonna bituufu, baali bantu ki? Baali bantu abaalimbibwa era abaali baafuuka edda ekitundu ku kkanisa. Baali ba mu muzabbibu ogw'obulimba.

Tebaali ba ku kkanisa ntuufu, wabula eyo ey'obulimba kubanga Katonda yagamba "baali kkunngaaniro lya Setaani." Kati ekigambo ekkunngaaniro si kye kimu kye tukozesa nga twogera ku kkanisa. Mu Bayibuli ekkanisa kitegeeza, "abaayitibwa okufuluma", oba "abalaalike". Omuwandiisi wa Zabbuli abalonde bano yaboogerako,

Zabbuli 65:4,

*"Alina omukisa oyo GW'OLONDA, era GW'OSEMBEZA gy'Oli, abeerenga mu mpya Zo".*

Naye ekigambo ekkunngaaniro (Synagogue) kitegeeza "lukunngaana". Luno luyinza okuba olulungi ova olubi, naye lwo luno lubi, kubanga okukunngaana kwa bano tekwali kwa Katonda wabula kwabwe ku bwabwe. Isaaya yaboogerako bwati;

Isaaya 54:15,

*"Laba, mpozzi balikunngaana naye SI NZE NDIBAKUNNGAANYA: buli alikukunganirako aligwa ku lulwo."*

Era okuva bano bwe baali balwanyisa omuzabbibu omutuufu, Katonda lumu alibakolako mu kuzikirira.

Kati Iwaki tulina abantu abeetabuddetabudde mu kkanisa nga beeyita Abayudaaya? Ensonga yiino: Okuva bwe baali abalimba baali basobola okwogera kyonna kye baagala. Baali basobola okwogera kyonna kye baagala nga kiringa ekya nnamaddala ne bakyesibako. Era bayinza okuba nti baali balimba mu kino nga balina ekirowoozo eky'ekitalo mu mitima. Tekyali bwe kityo nti ekkanisa eyasooka mu kkanisa embereberye kumpi yonna ova yonna mu bulamba yali mu Bayudaaya ekibafuula okuba ekitundu ekyasooka ku mubiri Gwe? Abatume 12 baali Bayudaaya, n'abatume abalala abaddirira baalinga Bayudaaya ova bakkiriza. Kale abantu okulayira nti baali Bayudaaya nga kibawa enkizo n'okweyita abo abaasooka. Limbalimba. Onywerere ku bulimba obwo. Tofaayo ova ddala kituufu ova kyaliwo. Kyogere bwogezi ogende mu maaso ng'okigamba abantu, mangu abantu bajja kukitwala.

Awo mufunyeewo ekintu? Omwoyo ogwo si gwe gumu oguli ddala mu kkanisa leero? Tewaliwo kibiina kyeyita nti y'ekkanisa entuufu era eyasooka nti era obulokozi busangibwa mu yo yokka? Tebagamba mbu be balina ekisumuluzo ky'obwakabaka kye baafuna okuva ku Peetero? Tebagamba mbu Peetero ye yali ppaapa waabwe eyasooka, mbu era yabeeranga Rooma ate nga tewali BYAFAAYO N'AKATONO BIKIKAKASA? Era abantu baabwe abasingayo obuyigirize n'abagoberezi bakkiriza obulimba bwe. Kkunngaaniro lya Setaani! Kale Setaani bw'aba kitaawe, ate nga ye kitaawe w'obulimba olwo tekyewuunyisa nti abo abali mu kkunngaaniro lye nabo balimba.

Lowooza ku ky'okuvvoola. Bano ab'omu kkunngaaniro lya Setaani wano baali tebavvoola Katonda (kino ne bwe kitayogerwako kyeraga kyokka) baali bavvoola kkanisa ntuufu. Mazima ddala. Nga Kayini bwe yayigganya n'atta Abiri kubanga ye (Kayini) yali w'oyo omubi, era abagoberezi b'Ekiyudaaya ab'emikolo obukolo abafu (Yesu Yagamba baali ba kitaabwe; Setaani) baagezaako okuzikiriza Abakulisitaayo mu myaka emitono mu mulembe egwasooka, kati ekibiina kino kye kimu (omuzabbibu omukyamu) kigezaako nnyo n'okusingawo okuzikiriza omukkiriza omutuufu mu mulembe ogwokubiri.

Omwoyo ogwo omulabe wa Kristo gugenda gukula.

Ekibiina ekyayingira empolampola mu kkanisa nga kiyita mu BIKOLWA byakyo (eby'Obwanikolayiti) tekikyatya kuwemuukirizibwa naye mu Iwatu kitegekeddwa mu kibiina okukunngaana okwakyo era kyoleekeza ekkanisa entuufu obwenyi mu bulabe obw'enkukunala.

Kati bwe nngamba nti eno yali kkanisa ey'omulabe wa Kristo entegeke mba mbawa mazima okuva mu byafaayo ebikakasiddwa. Ekkanisa eyasooka okutandikibwa e Rooma (tujja kulondoola ebyafaayo byayo mu Mulembe gwa Perugamo) yali yamala dda okufuula amazima ga Katonda obulimba ng'eyita mu kuleetawo eddiini enkaafiri eyalina amannya n'amakulu ag'Ezikulisiaayo. Omulembe ogwokubiri gwagenda okutuuka yali nkafiiri nnyo (wadde yali yeebala okuba ekkanisa entuufu) Polycarp kwe kutambula olugendo Iwa mmayiro nga 1500 nga n'okukaddiwa akaddiye nnyo aje abeegayirire bakyuke okuddayo. Baali tebakisobola. Baalina amadaala g'enzirukanya mu nkola yaabwe n'ekibiina nga binywevu era nga baviiridde ddala ku Kigambo. Eno n'olw'ekyo, ye yeekaalu ya Setaani, ejjudde okuvvoola, omwali musingidde ensigo z'enjigiriza y'Obwanikolayiti era oluvannyumako katono ye yali egenda okuba entebe oba amaanyi g'eddiini ya Setaani. Era ddala kino kituufu kubanga Okubikkulirwa 2:9b TEKIGAMBA nti abantu bano baali BA kunngaaniro lya Setaani wabula kigamba nti bo LY'EKKUNNGAANIRO LYA SETAANI.

Omwoyo ono omulabe wa Kristo si mupya. Kino si ky'ekintu ekyajjawo mu mirembe gy'ekkanisa. Kibadde wano ebbanga lyonna. Okutegeerera ddala enkola yaakyo, n'engeri gye kirwanyisaamu Katonda ne kiwamba mu kkanisa laba Endagaano Enkadde ojja kukiraba omwo. Ka twekebeje omwoyo ono nga bwe yeyoleka mu Isiraeri bwe yali ng'efuluma okuva e Misiri okuba ekkanisa mu ddungu.

Okufaanana ng'ekkanisa eyasooka bwe yatandikira mu buweereza bw'Omwoyo Omutukuvu bwokka ng'erimu obubonero ebyamagero n'okweyleka kw'ebintu ng'ennimi, obunnabbi, okuvvuunula kw'ennimi, amagezi, okutegeera n'okuwonya, kale mu nnaku za Isiraeri bwe baava mu Misiri baali bakulemberwa Mwoyo wa Katonda nga Yeeyolekera mu birabo. Katonda Ye Yali omukulembeze w'abantu. Ddala Ye Yali Kabaka waabwe. Yali Kabaka-Kitaabwe. Yalabirira Isiraeri ng'omusajja bw'alabirira amaka ge. Yabalisa, yabalwanira entalo zaabwe, n'Abagonjoolera emitawaana n'ebizibu byabwe. Yakolera ddala nnyo mu bo. Be baali eggwanga lyokka erylina Katonda nga Katonda omuntuufu. Naye lumu ne bamagamaga, ne balaba Abafirisuuti n'amawanga amalala nga galina bakabaka abagafuga. Kyasikiriza amaaso gaabwe ne basalawo nti bateekwa okufuula obukulembeze bwabwe okuba obw'obuntu, kale ne baagala babe ne kabaka. Kati ye Katonda Ye Yali Agenda kino okukikola, mu Muntu Mukama Yesu Kristo naye baamusooka. Setaani yamanya entegeka ya Katonda kale n'agiteeka mu mitima gy'abantu basooke Katonda (Ekigambo).

Bwe baatuukirira Samwiri ne bamusaba kabaka, Samwiri yanyiiga nnyo n'omutima gwe katono gusirike. Katonda Yali Akulembra abantu Be okuyita mu nnabbi ono eyali omumalirivu eyewaayo nga waliwo n'Ebyawandiikibwa ebimukakasa n'awulira ng'aganiddwa. N'akunngaanya abantu n'abeegayirira obutayawukana ku Katonda Eyabalera ng'abaana, n'Abakuza era n'Abawa n'emikisa. Naye ne banyigiriza nga bagenda mu maaso. Baagamba Samwiri; Tobangako mukyamu mu bukulembeze bwo. Tobangako mukuusa mu by'ensimbi. Okoze kyonna ky'osobola okutukuumira wakati mu Kigambo kya Mukama. Tusiima ebyamagero, amagezi, okugabirirwa n'obukuumi ebiva eri Katonda. Tubikkiririzaamu. Tubayagala. Ate era tewagala bituveeko. Twagala bwagazi kabaka atukulembere mu ntalo. Kwo okuba bwe tugenda mu latalo kiba kigendererwa kyaffe kabona okuba mu maaso ng'agobererwa Yuda, ffe tufuuwe amakondeere tuleekaane era tuyimbe. Tetugenderera kuyimiriza wadde ekimu ku ebyo. WABULA TWAGALA KABAKA OMU KU FFE ATUKULEMBERE."

Katonda n'Agamba Samwiri, "Laba tebaganya ggwe, wabula bagaanye NZE okubafuga."

Nga kyali kya mutawaana. Tebaakimanya nti bwe baali basaba Katonda Abaleke babeere ng'amawanga amalala baali bagaana Ye, kubanga Katonda Yali Ategese nti abantu Be beeyise mu ngeri njawufu ku y'ensi. Si ba nsi era tebagifaanana era tebeeyisa nga yo. Baakomererwa eri ensi era n'ensi yakomererwa gye bali.

Abakkolinso 6:17-18,

"Kale muve wakati w'abo, mweyawule, bw'Ayogera Mukama, so temukomanga ku

*kintu ekitali kirongoofu; Nange Ndibasembeza,*

*Era Nnaabeeranga Kitammwe gye muli, nammwe munaabeeranga gye Ndi abaana ab'obulenzi n'ab'obuwala, bw'Ayogera Mukama Omuyinza w'ebuntu byonna."*

Mulabe nti enjawulo yokka wakati wa Isiraeri n'amawanga amalala yali Katonda. Nga Katonda bw'omuggyawo Isiraeri abeera ng'eggwanga eddala lyonna. Samusooni bwe yasalako enviiri ze yafaanana ng'omusajja omulala yenna. Obukulembeze bw'Omwoyo Omukutuvu buteeke ku mabbali, ekkanisa efuuwa bufuusi NSI NG'ETIMBIDDWAKO ERINNYA LYA KATONDA. Ensi n'ekkanisa byonna byabumbibwa mu kintu kimu, okufaanana nga Yakobo n'Esawu bwe baali ab'enda emu, naye Omwoyo wa Katonda Yaleetawo enjawulo.

Si nsonga oba weeyita Omukulisitaayo. Ekyo omuntu yenna asobola okukikola. Ensonga eri nti kwe kuba n'Omwoyo wa Katonda mu ggwe oba obutabeera naye, kubanga bw'otaba na Mwoyo oyo obeera tosiimibwa, toli wuwe. Amiina.

Ebbanga si ddene gye buvuddeko nnabuuza omukyalala omu oba yali Mukulisitaayo. Yanganba, "Nja kukutegeeza, ssebo, nti nkoleeza omusubbaawa buli kiro." Mu nsi muno ekyo kikwatagana kitya ku Bukulisitaayo? Ndi mu Methodist, ndi mu Baptist, ndi mu Pentekoote. Ekyo tekirina we kikwataganako na Bukulisitaayo. Kiteekwa kuba Mwoyo Mutukuvu oba si ekyo kuzikirira.

Kale, okutandikira emabega eyo mu kkanisa eyasooka abantu baafumiitiriza ne batandika okukubaganya ebirowoozo ngeri ki gye banaalongoosaamu ku Katonda. Ebikolwa bya Banikolayiti ne bitandika okweyoleka. Olwo ekibiina ne kigunjibwawo. Ne baawukana ku nkola y'Ekigambo. Ekigambo kimu kyokka kye kireeta obuzibu kukyusaamu kigambo kimu era ako akazimbulukusa akatono ne kazimbulukusa omugaati gwonna. Oyo amenya etteeka erimu aba asingiddwa omusango gw'okumenya gonna. Kaawa yakyusa ekigambo kimu kyokka. Ekyo kye kijja okuleeta omutawaana.

Era olwo ekibiina kya Setaani ekyo bwe kyagunjibwawo, kyatandika okukyawa n'okulwanyisa abatukuvu abatuufu, nga kinyigiriza nti bo (abakolagana nakyo) y'ekkanisa ya Katonda.

Laba ng'ekibiina bwe kizaala obukyayi. Kizikiriza okukunngaana. Kikola obusungu. Ago ge makulu g'ekigambo obubaane. Kino kye kyali kijjudde mu Sumuna. Bukeyayi. Omulandira gw'obukyayi gwonoona bangi. Kale okwonooneka kwali nga kweyongera bwetyongezi. Buli mulembe nga guwulira enkovu zabwo.

Ekkanisa ya Sumuna yali egenze wala nnyo okuva ku byasooka. Yali efuuuse maleeto. Yali yeefuisse maleeto nga Kaawa bwe yakola. Mumanyi nti maleeto kiva mu kutabula ensigo bbiri ezitali zimu naye nga zifaanana. Ekivaamu tekifaananira ddala ng'ekyo ekibereberye. Kiyitibwa maleeto. Kale, Kaawa bwe yakkiriza okutabula ensigo ye n'ey'ensolo yazaala ekitonde ekiyitibwa Kayini ekitaali muntu wa nnamaddala. Yali wa MWONOONYI. Laba nga bwe yali omwawufu ku Abiri. Laba nga bwe yali omwawufu ku Seesi. Yakyawa Katonda nga tagondera Kigambo n'ayigganya era n'atta omutuukirivu. Yeeteeka waggulu w'Ekigambo kya Katonda.

Ekkanisa, nayo, evudde ku ekyo kye yali ku ntandikwa. Kati eri maleeto. Ekyo kiri nti ekkanisa eyitibwa obuyitibwa, kati maleeto. Abantu bagamba "ndi mubaptist." Ku lubereberye tekyali bwe kityo. "Ndi Mumethodit." Ku lubereberye tekyali bwe kityo. Mu kifo ky'Ekigambo kya Katonda ekitereevu, mu kifo ky'abantu abajjuziddwa n'Omwoyo mu kkanisa abaakulemberwa okubikkulirwa Omwoyo kw'Abawa kati bikwatee n'amateeka, n'ebyo ebiteeberezewa obuteeberezewa abayigirize. Okuyiga kututte ekifo ky'okubikkulirwa. Okukubaganya ebirowoozo kwe kuzze mu kifo ky'okukkiriza. Enteekateeka ze zitutte ekifo ky'okusinza okwa kyeyagalire mu Mwoyo Omukutuvu. Ku lubereberye tekyali bwe kityo. Ekika kyonna kikyuse. Ekkanisa efuuuse maleeto.

Kati olwo, ekkanisa bw'efuulibwa maleeto enaazaala Bakulisitaayo bennyini? Tesobola. Obulamu oba ensigo ereeta okuzaalibwa kw'Abakulisitaayo tebaliiyu. Buli kintu kizaala ekyo ekikifaanana. Babaptist bavaamu Babaptist era beeyisa nga Babaptist. Bamethodist bavaamu Bamethodist era beeyisa nga Bamethodist. Tewali ku bo amanyibwa Iwa maanyi ga Katonda era tekisoboka kubanga tekiriwo. Okubamanya babamanyira ku mikolo gy'okusinza Katonda, ebikwate n'ebiragiro.

Yogera ku maleeto. Mumanyi maleeto esingayo okuba nga y'emanyiddwa mu nsi? Ebaddewo okumala ebiro bingi. Ye nnyumbu. Ye ensolo ezaalibwa okuva mu kutabagana kw'embalaasi n'endogoyi. Ensolo eno esesa. Yo tesobola kuzaala nsolo ndala. Terina bulamu ekyo busobola kukikola. Naye yogera ku mirimu. Esobola okukola okusinga

embalaasi n'endogoyi. Naye tunuulira obutonde bwayo. Ya kyejo era toyinza kugyesiga. Ky'ekifaananyi kyennyini eky'eddiini maleeto. Okutabagana wakati w'amazima n'ekizikiza, kubanga embalaasi y'eringa omukkiriza ate endogoyi nga ye muntu atali mutuukirivu. Bitabaganye (bitabule) ogya kufuna eddiini obudiini enfu. Terina nsigo ya bulamu. Nfu. Esobola okwogera ku mazima naye tesobola kugazaala. Terina Katonda wakati mu yo, ate ng'ekunngaanya abantu n'eyogera ku Katonda, ate ng'ekiseera kyonna ewakanya amaanyi. Bajja kwegaana Ekigambo mu linnya lyenneyini erya Mukama. Era tewali ssuubi lyonna nti balirongooka. Okitegeera nti tewabangayo ddiini etegekebwa (ekolebwa) bantu n'edda obuggyga? Tekibangawo! Buli lwe baagiddukanya baafa. Tebasobola kukomawo. Nedda ssebo. Ekyo nnyinza okukibalaga mu kifaananyi.

Mu Kuva 13:13,

*"Era onoonunulanga buli mbereberye y'endogoyi; era oba nga tooyagalenga kuginunula, onoogimenyanga obulago: era ababereberye bona mu baana bo onoobanunulanga."*

Laba, endogoyi esobola okununulibwa. Buli mwonoonyi omunaku asobola okununulibwa n'omusaayi gwa saddaaka ya Yesu Kristo, oba mu kugaana Kristo y'agaanibwa. Naye ennyumbu toginunula. Twlinaawo bununu. Tewali musaayi gwe. Tekisoboka kubaawo lwa nsongya nti nnyumbu obuddukiro oba obubudamu ebufuna mu kkanisa ate nga endogoyi yo ebufuna mu musaayi. "Ennyumbu terina nsigo" mu yo esobola okufuulibwa ennamu naye endogoyi erina ensigo.

Kale, sabbiiti ntono gye buvuddeko nnasoma ku bigambo by'omukunngaanya. Ddala byali byawandiikibwa nneekolera-gyange atali mulokole; si Mukulisitaayo. Yagamba nti amakanisa gaamwewuunyisa. Yali tagategeera. Gaali gajjudde bapulofeesa abaali basomesa obusomesa Ekigambo kya Katonda okusobola okukizikiriza. Kati musajja wattu ono nga ne bw'akitenkanya takitegeera. Kyamukanga. Yagamba nti yali asobola okutegeera abantu abatakkiriza nti eriyo Katonda, oba ba Nnaakalyako-ani, abalowooza nga bwe baagala, oba omuntu omulala okukola ekyo. Naye ate ekkanisa yo yennyini bwe yayonoona Ekigambo kya Katonda kyali kyenkanankana n'obutemu obugenderere. YIYO AWO EDDIINI YA MALEETO. AMERICA ZUUKUKA NGA TEBUNNABA KUYITA.

Ekkanisa bw'eva ku Kigambo ejja kukkiriza ekintu kyonna. Efaanana nga Kaawa. Kayini bwe yazaalibwa yagamba "Mpeereddwa omusajja okuva eri Mukama." Kati mulaba nti ekyo ddala kye yali ategheeza? Yalowooza nti yafuna omusajja okuva eri Mukama. Mulaba, lumu yali alimbiddwa ng'atwala ekigambo kya Setaani mu kifo ky'Ekigambo kya Katonda olwo n'alowooza nti kyonna kye yali ayogera kyali kituufu. Bw'aba yagamba nti yafuna omusajja okuva eri Katonda, olwo aba yafuna omusajja okuva eri Katonda. Naye Katonda Yateekawo amateeka mu nsi Ye. Ensigo ennungi eyinza kuzaala kibala kirungi kyokka era n'ensigo embi evaamu kibala kibi kyokka. Kati buli nsigo, wadde njawufu, yaakukoza ettaka lye limu, okuliisibwa, amazzi, n'omusana naye ya kuzaala ekyo ekyayo ekigivaamu. Weetegereze ebyafaayo by'olulyo Iwa Kayini. Weetegereze ebyafaayo by'olulyo Iwa Seezi. Enjawulo eri emu yokka wakati mu bo — ensigo embereberye. Tewali kirala.

Bw'otunuulira ennyo ekigambo kya Kaawa kino ojja kulaba nti yalina okutegeera okusinga abantu abasinga obungi bwe balaba. Omwana teyamubalira ku setaani kubanga ekyo kyandimwenkanyankanyizza ne Katonda. Katonda Yekka Ye Yali Asobola okutonda eggi mu lubuto Iwa Malyamu. Setaani yali takisobola ekyo. Ekyo Kaawa yali akimanyi. Setaani ky'akola kyokka kukyamya. Kale yamusendasenda n'ensigo enkyamu. Yali nsigo ya musota eyazaala Kayini. Yali nsigo ya Adamu eyazaala Abiri ne Seezi. Ensigo ezo zaayitira ddala mu mitendera gye gimu, naye abaana baali ba njawulo kubanga baava mu nsigo za njawulo.

Yakkiriza nti Kayini yava wa Katonda. Yakkiriza n'atwala obulimba bwa Setaani ng'amazima ga Katonda. Ekyo kyennyini kye tulina kaakano. Amakanisa geefudde ensulo z'amazima naye mu zo temuli amazima; ate ng'abaana baago bagakozesa mu kulayira era n'okutta bajja kutta okusobola okunyweza ensobi yaabwe.

Oba mulowooza nti okwo kukungiriza musome essuula yonna mu bbaluwa ya Timoseewo eyookubiri essuula ssatu n'ennyiriri ettaano ezisooka mu ssuula eyookuna.

Timoseewo 4:1-5,

*"Nkukuutira mu maaso ga Katonda ne Kristo Yesu, Alisalira omusango abalamu n'abafu, era n'olw'okulabika kwe n'obwakabaka Bwe;*

*Buuliranga Ekigambo; kubirizanga mu bbanga erisaaniramu n'eritasaaniramu;*

*weranga, nenyanga, buuliriranga n'okugumiikiriza kwonna n'okuyigiriza.*

*Kubanga ebiro birija Iwe batalikkiriza kuwulira kuyigiriza kwa bulamu; naye, amatu nga gabasiwa, balikunngaanya abayigiriza ng'okwegomba kwabwe bo bwe kuli;*

*baliziba amatu okulekanga amazima, balikyama okugoberera enfumo obufumo.*

*Naye ggwe tamiirukukanga mu byonna bonaabonanga, kolanga omulimu ogw'omubuulizi w'enjiri, tuukirizanga okuweereza kwo."*

Ekkanisa bwe yakkiriza okwawukana ku byasooka, okufaanana nga Adamu ne Kaawa, okufa kwayingira. Tekyalimu maanyi. Efuuse kikulekule. Eddakiika ekkanisa we yaddira mu mikolo obukolo, ne mu by'obwakabona ng'etegeka abaweereza n'ebazza mu kibiina n'erondawo obukulembeze obutaalinga bwa Mwoyo Mutukuvu na Kigambo Kye, akaseera ako kennyini okufa kwayingira n'etandika okulwala, era bwe yatandika okulwala n'efuukamu akabiina k'abantu omutaali maanyi wabula abaalwanyisanga empaka zokka. Yali tesobola kuvaamu kintu mu Mwoyo, kubanga essuubi lyayo lyonna liali lizimbiddwa ku ntegeka zaabwe so si ku kukkiriza mu Kigambo Kye. Baasiga nteekateeka ne bakungula nteekateeka. Baasiga bukyamu ne bakungula baana bakyamu.

Weepankire ku Katonda ojja kukungula ekyo kyennyini ky'otaddemu. Omuntu ekyo asaanye kukiygira ku butonde. Yeepankidde ku butonde. Atadde ebirowoozo ebibye mu butonde n'addamu n'ategeka Katonda bye yabumba, n'ebirala, era kaakano akungula mpewo ya kazimu. Laba engeri gye bazaazizza enkoko. Bagizaazizza mu ngeri eya w'aggulu n'efuuka kyuma buuma ekibiika. Tekyaliika n'okugonda egonda. Waliwo ebintu (eddagala) bye bayingiza mu nnyama gye tulya era ekyo ne kireetera omubiri gw'omuntu okukyuka kale abakazi bagenda batoniwa ebiwato ne bagejja ebibegabega so ng'abasajja bagenda bagejja ebiwato ne batoniwa ebibegabega. Kati oba weesiruwaliza ku butonde n'ofuna ekikulekule era n'okukuddira ne bikkuddira, ate olwo gunaaba gutya bw'okyusa amazima n'ogafuula obulimba? Eky'okuddamu kiri nti, ojja kulunda ozaaze omulabe wa Kristo, enkola, ey'eddiini omutali kutya Katonda ekyamye ennyo nga tesobola na kuzaala ekyo wadde ensigo okufaanana eyasooka kye yazaala. Katonda ky'Alina kyokka okwanukula ku mbeera ey'engeri eno kiri kimu kyokka ye nnyanja ey'omuliro.

Omulembe ogwo ogwa Sumuna bambi gwali gufa. Bwe gwafa, tegwaddamu kulama. Tewali mulembe guddamu kubeera mulamu. Tewali kudda buggya kukomawo. Tegusobola kuba na bulamu bwa Katonda nga guyita mu kuzaalibwa okw'obutonde. Kyetaagisa okulongoosebwa okuva waggulu. Omulembe guno ogusembayo gwatandika n'omuliro gw'okudda obuggyga okwa Pentekoote ne bakwetegekera mu ngeri eyaabwe ne bakuzzaayo. Mu kifo ky'okutwala Ekigambo baatwala ebirowoozo ebyabwe ne bakola ekyo kye kimu ekikoleddwa mu buli mulembe — baateeka ebitabo ne bidda mu kifo ky'Ekgambo kya Katonda. Fulumako ebweru w'ebitabo olabe kiki ekibeerawo. Oli bweru, ow'oluganda. Bajja kukuyigganya banenye Katonda nti y'Akikoze. So nga baagala ekibiina kyabwe. Tekyewuunyisa. Bo gwe mulembe gwa Bapentekoote ogwokubiri era Katonda okuva Iw'Atalina bazzukulu bo baana ba bakitaabwe, nga okumanyika bamanyikira ku nzikiriza na mikolo oba engeri gye basinzaamu. Basobola okunyumya ku byalingawo, naye bo tebayinza kubikola. Lumu baalina okumyansa kw'eggulu naye kye baasigaza kyokka kwe kubwatuka.

Naye leka bakubuulire ku bitiibwa by'emirimu gyabwe. Bajja kugamba "Yee ssebo, njagala omanye nti guno gwe mulimu ogutaatandikibwa muntu. Gwajja buzzi gwokka. Omwoyo yakka ku nsi yonna. Yee ssebo, tulina kye baalina ku Pentekoote. Kino tekyakolebwa bantu wabula Katonda." KATI OLWO LWAKI TEBAAKIREKERAYO NE KYEYONGERA? OBA NGA KATONDA YE YAKITANDIKA LWAKI ATE TEYAKIKUUMA N'AKIMALIRIZA? Oba Katonda teyawandiika kitabo kya bikwate amateeka, na biragiro okukitandika, olwo bo baalina buyinza ki oba ddembe ki ekyo okukikola?

Katonda Yafuka Omwoyo We ku Ababaptist, Abamethodist Abanazarene, aba Advent, Abapresbyterian, ba Brethren Church of God, Ekkanisa ya Katonda (eziwerako mbu za Katonda) n'ebirala. Ab'oluganda bano bona baakuzibwa ku njigiriza za njawulo, amateeka, obutabo bw'amakanisa n'ebirala. Katonda byonna Yabyereera ku luuyi lumu; Yasaanyaawo endowooza (enkola) z'omu biro byabwe n'Azzaawo ebirabo by'Omwoyo ng'Akakasa nga Y'omu jjo leero n'emirembe gyonna. Naye Abapentekoote abo baayiga essomo lyabwe ku bibiina? Nedda ssebo. Baddamu ne babyetegekera era beewandiikidde ebitabo ebyabwe amateeka, ebitabo, ebinnyonnyola ku by'ekkanisa eby'enkunngaana n'ebirala nga bakkiriziganya n'endowooza emu, ekikakasa nti kaakano

balina amazima gonna, bamanyi byonna eby'okuddamu byonna kale n'olw'ekyo, mu bantu ba Katonda bo be basingayo okumanya ekkubo era basobola n'okuliraga abalala bo ng'abaalondebwu Katonda bakulembere. Naye tebakirina. Beefuula dda ba maleeto okufaanana ng'ebibiina byennyini bye baavaamu. Bwe baba nga baagala okubeera mu mugole bajja kuba nga balina okufulumira ddala nga bajjajjaabwe bwe baakola.

Balinga abalala bona . Okudda obuggyga kukomye. Obulamu bwabwe bagezaako okubutambuliza mu linnya naye bafu. Baatwala ekibiina, so nga boogera ku Mwoyo wa Katonda. Boogera ku bukakafu bw'Omwoyo Omutukuvu. Naye beerabira nti ne setaani asobola okwogera mu nnimi. Omuvuyo gwe Baberi omwerefere guli wakati mu bo era baguyita Mwoyo wa Katonda. Ate era tuddamu okulaba omuntu ng'alagira Katonda mu kifo kya Katonda okulagira omuntu.

Kaakano oyinza okwagala okunnenyeza wano olw'ebyo bye njogedde. Kale. Beeyita Bapentekoote era Enjiri Enzijuvi. Leka bakitulage. Ku Pentekoote omuliro gwajjira mu kire ne gweyawulira ku buli omu ku bo ng'olulimi. Omuliro guli ludda wa? Baayogera mu nnimi ku Pentekoote era abantu abaawulira baategeera. Ekyo kiri ludda wa? Ekibiina kyonna eky'abakkiriza kyakolaganira wamu ng'amaka gamu. Abapentekoote baayawukana dda okufaanana ng'ekibiina kyonna mu byafaayo. Tewali muntu yenna yennganga kwegatta ku kkansia eyasooka wabula Katonda Ye Yabongerako. Mu bo balinamu embuzi nnyingi ng'abalala. Beeyita Enjiri enzijuvi naye tebayinza kukyoleka. Amakanisa gaabwe okufaanana ng'amalala temuli maanyi. Oba nga bo y'Enjiri enzijuvi kale twatule nti Bayibuli yasoby bwe yannyonnyola abantu ab'Enjiri enzijuvi kye baali ku Pentekoote. Bayimba, "Wabaddewo enkyukakyuka nnene mu nze." Batuufu. Wabula enkyukakyuka tereeze birungi.

Ky'ekiseera okuddayo eri Katonda. Balina erinnya nti balamu naye bafu. Ennimi si bwe bukakafu bw'okudda obuggyga. Bukakafu bwa kufa. Ennimi zaalangirira obukakafu nti omukolo gw'eddiini y'Abayudaaya gwali guwedde, nti essuula empya yali etandise. Leero ennimi ziggalawo olutimbe ku mirembe gy'ekkanisa y'Abaamawanga era Enjiri eddayo eri Abayudaaya. Abantu boogera ku nnimi ng'akabonero akaleeta okukola kw'Omwoyo okw'ekitalo. Eryato balisubiddwa. Amazima gali nti ziwandiika nga ziraga nkomerero y'endowooza z'abantu zonna, entegeka n'obwakabaka era obwakabaka bwa Katonda buyingizibwa. Muzuukuke abantu ba Katonda. Mugolokoke.

Oba mulowooza nti kino si kituufu, muwulire kino. Mu nsi yonna eri Abapentekoote ne mu bibiina ebirala ebiremera ku byasookawo bateekateeka abasuubuzi. Balumbye ekituuti awatali kuyitibwa Katonda. Beetadewo ng'abavubi b'abantu era abaatandikawo omulimu gwa Katonda era bagamba nti obuweereza bw'ebirabo by'omu Efeso 4:10-13 Katonda bye Yawa ekkanisa bulemeddwa n'olw'ekyo bo ka bawambe. Wano tuli ddala wakati mu kutuukirira kw'obunnabbi obuyitibwa empaka za Koola, era tebamanyi na kumanya nti babutuukirizza. Mu buzibe bagenda babuulira ebyayita mu kifo ky'amazima. Katonda Abasaasire. Katonda Abayambe amaaso gaabwe gazibuke ng'obudde tebunnayita. Oh, mumpulirize. Ekitiibwa kya ssente, obukulembeze, obusobozi bw'ebiyobusuubuzi, ova amagezi obugezi ag'obwongo, byafuuka ddi ebisaanyizo by'obukulembeze bw'ebintu by'omwoyo ova okugeraageranyizibwa n'Ekgambo kya Katonda? Era mu ngeri yonna k'ebi ya bintu ebiggwaawo ova obusobozi bw'obuntu, bwe bitandika okulabika ng'ekintu Katonda mw'Akolera, mu kifo ky'Omwoyo Omutukuvu YEKKA, olwo tuba tulwanyisa Katonda so si kumulwanirira.

Kaakano kino nkyagala wano mu buwandiike. Soogera bubi ku bakadde ba kkanisa. Nedda ssebo. Era omukadde oyo asobola okuba omwatu ng'omuntu omulala yenna eyali abadde omwatu ova okuba nti y'asingayo obugagga mu nsi yonna kasita aba nga mukadde mu mutima ne mu bikolwa. Ssandyekengedde kwawula musajja yenna alina ebisaanyizo byennyini eby'omwoyo ng'omukadde ova omudinkoni nga sifudde ku ngeri ki gy'ayimiriddemu mu by'ensimbi ova eddaala ly'aliko mu bintu ebirala. Naye bw'olaba ng'enfuna n'ebi'obufuzi biyingira mu kkanisa ebyo ebyawula abantu mu ngeri yonna — ekyo tekiba kya Katonda. Ke kamu ku buponero ak'ekiseera mu Mulembe gwa Lawodikiya guno gwe tulimu omugagga mu bintu ebiggwaawo wabula nga mwatu mu by'Omwoyo.

"Mmanyi obwatu bwo." Mwatedgedde nti obwatu bwabwe bukwatagana n'ekkunngaaniro lya Setaani mu lunyiriri lwe lumu olwo? Ddala, kibiina kigagga eky'amaanyi era olubeerera kigoba abantu abanaku abawereza Katonda. Omwoyo wa Katonda bw'Akwata ku mitima gy'abantu, ani aleka ebizimbe n'ebintu ebirala? Lubeerera abantu abanaku be bafiirwa ekibiina ekinene ne kigobolola. Olwo abantu ne balaga wa?

Basinziza mu maka, mu biduuka ebikadde, mu bigango nga bwe gwali we baagenderanga mu mpuku z'amasiro.

abantu bano baali baavu mu bintu bino eby'ensi. Mazima ddala. Wabula baali bagagga mu mwoyo.

"Mmanyi okuvvoola kwabwe." Kati ekkyo wano si kye kirowoozo nti abalimba bano bavvoola Katonda, wadde ekkyo wano kyeraga kyokka ne bwe kitayogerwako. Naye bavvoola ekkanisa entuufu. Bwe kityo olubeerera bwe kiri. Abayudaaya b'omu Yerusaalemi bavoola ekkanisa ku lubereberye. Ab'amawanga abakkiririza mu bakatonda abangi so si mu omu nabo baakola bwe batyo. Bwe wanaabaawo ayogerwako obubi, y'ensigo entuufu bulijjo. Mu nnaku za Nero Abakulisitaayo be baanenyezebwa olwa buli kizibu ekyagwawo — era n'okwokebwa kwa Rooma. Mu mawanga ga ba Naakalyako-ani ekisibo ekitono olubeerera kye kisooka okuttibwa kyonna wadde mu butuufu kitono nnyo ekitandisaanye kufiibwako. Newankubadde Abakulisitaayo bantu balungi bawulize, abakola ebirungi byokka, baakuyigganyizibwanga balyoke basaanyizibwewo.

Ensonga Iwaki kino kiri bwe kiti eri Iwa kuba nti bo obulamu bwabwe kwe kunanya eri abatatyat Katonda. Okufaanankako ng'engalo ensaja endwadde boolekaganya obwenyi n'aboonoonyi. Era wadde abatukuvu bo tebagezaako kulunya boonoonyi baagala kukola birungi byokka, wabula ate bo be beesanga nga bali mu katyabaga nga bwe gwali ku Yokana ne Kerode. Kubanga Yokaana teyayagala kulunya Kerode oba mukazi we wabula kubawanya busungu bwa Katonda. Kino si kukiwakanya buwakanya na butakitegeera kyokka, naye n'okuttisa kyattisa Yokaana. Era olw'ebirungi byonna abantu ba Katonda bye bakola, baswazibwa mu Iwatu era ne battibwa. Ddala wateekwa okuba nti waliwo amaanyi ag'ekigwenyufu mu bantu abamu abatalina kulumirizibwa abasasula ebibi eri abo ababakolera ebirungi. Ddala, amaanyi ago we gali. Ye Setaani. Okwanukula kuli mu lunyiriri oluddirira.

#### Emyaka Kkumi Egy'ekibonyoobonyo

Okubikkulirwa 2:10,

*"Totya, by'ogenda okuboonaabona: laba, omulyolyomi oyo agenda okusuula abamu mu mmwe mu kkomera, mukemebe; era mulibonaabonera ennaku kkumi. Beeranga mwesigwa okutuusa okufa, nange ndikuwa engule ey'obulamu."*

Mukama buli Iw'Akozesza ebigambo ebyo, "Totya," waba wanaatera okugwawo olutalo omubeera obubenje okubonaabona, n'okufiirwa. Kati Tayogera butereevu nti, "Ekibonyoobonyo kijja." Ekyo kyandikanze omuntu. Wabula ng'omuzadde omukazi agenda okuzikiza ettaala, bw'ayogera n'eggonjebwa agamba omwana we n'eggonjebwa aleme kumukanga, "Kati nngenda kuzikiza ttaala ekizikiza kijje. Naye jjukira ndi wano naawe." Kale agamba, "Temutya abantu oba ki kye banaabakola. Ndi nammwe, ekisa Kyange kibamala. Bwe munaayita mu mazzi, si gakubasaanyawo wadde mu kufa temuli ba kuwangulwa. Muli bawanguzi n'okukirawo."

Omutume ow'ekitalo, Pawulo, olw'obumanyirivu yamanya obutuufu bw'ebigambo ebyo n'awandiika mu Baruumi 8:35-39,

*"Ani alitwawukanyan'okwagala kwa Kristo? kulaba nnaku, oba kulumwa, oba kuyigganyizibwa oba njala, oba kuba bwereere, oba kabi, oba kitala?*

*Nga bwe kyawandiikibwa nti Tuttibwa obudde okuziba, okutulanga Ggwe; Twabalibwa ng'endiga ez'okusalibwa.*

*Naye mu ebyo byonna tuwangudde n'okukirawo ku bw'Oyo Eyatwagala.*

*Kubanga ntegeeredde ddala nga newankubadde okufa, newankubadde obulamu, newankubadde bamalayika, newankubadde abafuga, newankubadde ebiriwo, newankubadde ebigenda okubaawo,*

*newanakubadde obugulumivu, newankubadde okugenda wansi, newankubadde ekitonde kyonna ekirala, tebiyyinzenga kutwawukanya na kwagala kwa Katonda okuli mu Kristo Yesu Mukama waffe." Nedda, tetuli ba kutya. Okwagala Kwe kugoba okutya kwonna.*

Kaakano laba ky'Agamba, "setaani ajja kusuula abamu ku mmwe mu kkomera mugezesebwe." Ekiseera ekkyo, kyennyini, Abayudaaya ekkyo baali bakikola. Bakabona abakaafiiri mu kiseera ekkyo baali bakikola. Abakungu abaali baagala okusiimibwa abantu kubanga abantu baayagala nnyo ekigo ekkyo mwe baayolesezanga emizannyo oba ebinyumu (arena), battanga enkumi n'enkumi z'Abakulisitaayo nga babakasukira empologoma n'abasirkale. Kino setaani kimukwatako kitya? Lwaki anenyezebwa? Ah,

yee, bukyayi bwa setaani bwe buli emabega waabyo byonna. Ali mabega waabyo byonna Iwa kubanga akyawa Katonda. Katonda ky'Ataddeko omutima, Setaani atee kwa okugezaako okukisaanyaawo. Naye tunula. Okutangaazibwa kuukuno. Oba nga Setaani awagira Abayudaaya abo abasuula Abakulisitaayo mu mbuga ekyo kiba kitegeeza nti Abayudaaya si bantu ba ddiini ya Katonda wabula eya setaani. N'okukunngaana kwabwe kwa kkunngaaniro lya Setaani. Era Ekereziya Enkatolika ey'e Rooma ova yatta nnamungi w'abakkiriza mu mirembe gy'Ekizikiza (Dark Ages) weewawo ne mu mirembe gyonna kitegeeza bantu ba Setaani era nga Setaani ye nnyini bo.

Era ova olowooza nti kino kikanga, linda obunnabbi bw'omu Okubikkulirwa 13 Iwe bulituukirira. Kituu fu mu ngeri eyewuunyisa nti America eri mu ssuula eyo. Omuwendo gwennyini ogw'ekkumi n'essatu ke kabonero k'eggwanga lino. Lyatandika n'amasa za kkumi n'asatu. Bendera yaalyo erina ebikoloboze kkumi na bisatu n'emmunyeenye kkumi na ssatu. Era awo we wali omutawaana gwe mu ssuula ey'ekkumi n'essatu. Mu kifaananyi kino ekyoyerwako mu ssuula eno mujja kusangibwamu obwonoonyi bwonna obw'ensolo obwagisooka. Ng'ensolo bwe yasituka mu Lukiiko Iw'e Nikyeya, ekifaananyi kya kuva mu lukiiko olugatta amakanisa gonna mu nsi (World Council of Churches) n'amaanyi gonna ag'obutatya Katonda okufuka obusungu bwa Setaani ku muzabbibu gwa Katonda ogw'amazima. Obukalabakalaba buno bwonna obw'ekigwenyufu era obw'ekikambwe biriba biddibwamu buddibwa.

Abo abalwanyisa abantu ba Katonda abawombeefu ne baseka ne bazikiriza — leka bakikole. Era bajja kukikola. Ate byonna mu linnya lya Katonda n'eddiini. Wabula balimba. Si ba Katonda. Ba kitaabwe, Setaani. Bo, okuyita mu bikolwa byabwe ebiwakanya abantu AB'ENGERI YONNA beeyolekera ddala ki kye bali. Ka bategeke basambajje ekisibo ekitono. Naye ate beeyongera bwetyongezi kweyleka eri bona nti ba Setaani. Muzabbibu gwa bulimba — omuzabbibu omutemu. Obukyayi bwabwe bwoleka ki kye bali. Bo y'ekkanisa ya Nikolayiti omulabe wa Kristo.

"Ba kusuulibwa mu kkomera." Yee, basuulibwa mu mbuga ne bawaayirizibwa, ne bawozesebwa, ne basibwa. Ate era byonna bikolebwa mu linnya lya ddiini mu bwegendereza ne mu bukambwe obusibuka mu butamanya. Nga byonna bikolebwa n'ekigendererwa ekirungi. Ekyo kindowoozesu ku kkooti enkulu kye yasalawo ku by'okusoma Bayibili mu masomero. Ani ali emabega waabyo? Setaani. Okwo nakwo kubuubuuka kwa busungu bwa setaani eri Katonda.

"Mulibonaabonera ennaku kkumi." Obunnabbi buubuno. Mwe musangibwa ekkubo ly'okumanya ebbanga Omulembe gwa Sumuna lye gwamala. Diocletian, kabaka eyasingayo obukambwe, yatandikawo pokopoko n'akukubiriza abantu bakyawe abatukuvu ba Katonda singa tekuali kusaasira kwa Katonda, yandisaanya zaa wo abakkiriza bona. Gwe mulembe mu byafaayo ogwakasinga okubaamu okuyiwa omusaayi era gwamala emyaka kkumi (ennaku ekkumi ez'omu Kubikkulirwa. 2:10b) okuva mu mwaka 302 okutuuka mu 312.

"Beera mwesigwa newankubadde okutuusa okufa." Tagamba nti beera mwesigwa okutuusa Iw'ofa wabula eri okufa. Obujulizi bwo bwandibaamu okuyiwa omusaayi. Nkumi na nkumi, mu butuufu bukadde be bafudde mu mirembe gyonna. Baafiira mu kukkiriza. Nga Antipas omujulizi omwesigwa, obulamu bwabwe tebaabubala ng'ekyomuwendo eri okufa. Bulijjo tulowooza nti kumpi kyandibadde tekisoboka okuba omujulizi. Naye gezaako okujjukira nti okukkiriza kwe tukozesa bulijjo okuwangula mu Yesu Kristo kwe kumu okwawanirira ba Polycarp n'abajulizi abalala bona. Okukkiriza okw'oku ntikko kwe kugenda okuleeta ekisa eky'oku ntikko olw'essaawa ey'oku ntikko. Katonda Agulumizibwe emirembe n'emirembe!

"Era ndibawa engule ey'obulamu." Oba nga akakopo k'amazzi mu Linnya lya Mukama tekalema kuweesa muntu mpeera, kiryenkana wa ekirabo ekiriweebwa oyo awaayo obulamu bwe n'attibwa ku Iw'Erinnya lya Yesu. Mpozzi tusobola okukitegeera bwe tugeraageranya engule eno n'eyo ewangulwa mu mbiro.

Mu 1 Bakkolinso 9:24 Pawulo agamba

*"Temumanyi ng'abadduka mu kuwakana baddukanira ddala bona, naye aweebwako empeera omu? Mudduke nga bwe mutyo mulyoke muweebwe."*

Engule eyaweebwanga omuwanguzi mu misindegya Olympics yali ya matabi ga muzeyituuni. Naye engule eyoyerwako wano mu Kubikkulirwa, ey'okuweebwa omujulizi ngule ya bulangira. Yesu Agiyita ngule ya bulamu. Engule emu y'abo abafubye; endala y'abo abagabye. Engule zombi tezivunda. Si za kuzikirira. Abawanguzi b'embiro ez'ensi

banaatera okuggweebwako essanyu lyabwe ery'ebirabo bye baafuna eby'ensi. Ekitiibwa kyabwe kiriggwaawo. Naye abo abawaayo obulamu bwabwe olwa Katonda, mu kufuba nga bulijjo oba mu kuyiwa omusaayi gwabwe nga saddaaka ey'oku ntikko mu bulamu bwabwe, baliweebwa engule ey'obulamu.

Ebisera bitono nnyo abantu bye bamala mu kukolera empeera ya Katonda etaggwaawo. Okusasula kwa Katonda tekuweebwa kitiiuba kimala. Oba tukkiririza mu kuzuukira okwa nnamaddala okwomubiri, n'obwakabaka obutaggwaawo, olwo tusaanye okutereka mu ggulu eby'omuwendo ebyo ebiriwo eri abatukuvu abeesigwa.

#### Empeera Y'omuwanguzi

Okubikkulirwa 2:11,

*"Alina okutu awulire Omwoyo ky'agamba ekkanisa. Awangula talirumwa n'akatono kufa kwakubiri."*

Kati, nate Omwoyo Ayogera eri emirembe gyonna. Obubaka buno bwa kutuzzaamu maanyi nga bwe bwakola baganda baffe ab'emirembe emirala. Era Atugamba nti okufa okwokubiri si kwa kutuluma.

Fenna tumanyi nti okufa okwokubiri y'ennyanja ey'omuliro.

Okubikkulirwa 20:14

*"N'okufa n'amagombe ne bisuulibwa mu nnyanja ey'omuliro. Eyo kwe kufa okwokubiri."*

Ekyo kitegeeza butegeeza nti abo bona abaalimu, baasuulibwa mu nnyanja ey'omuliro. Kaakano njagala okubaggyirayo kino wano. Tewali kubuusabuusa kijja kwogeza abamu ku njigiriza yange engenyi etali ya bulijjo.

Wabula nnyimiridde wano ku buyinza bw'Ekigambo kya Katonda era sikkiriza nti omwonoonyi agenda mu ggeyeena etaggwaawo n'ayaka obutakoma. Okusooka, ggeyeena, oba ennyanja ey'omuliro, oba okiyita ki simanyi, si ya lubeerera. Eyinza etya okuba nti teggwaa wo oba nga yalina entandikwa? Mu Matayo 25:41 kigamba, "omuliro ogutaggwaawo ogwateekerwateekerwa Setaani ne bamalayika be." Kati oba gwateekerwateekewa Setaani ne bamalayika be kitgeeza nti gwalina entandikwa. Oba gwalina entandikwa kitegeeza teguteekeddwa kuba gwa lubeerera. Kwo okuba oynza okwesittala ku kigambo "emirembe n'emirembe". Naye ekigambo ekyo kitegeeza "okuva ku mirembe oba ebiro okutuuka ku mirembe" era kirina amakulu agatali gamu. Mu 1 Samwiri 3:13-14 Katonda Yagamba Samwiri nti yali Agenda kulamula ennyumba ya Eli emirembe n'emirembe, nti era tebaali ba kuddayo kuwaayo saddaaka "emirembe n'emirembe" nga Bakabona be. Ate mu 1 Bassekabaka 2:27 Sulemani yagoba ezzadde lya Eli mu bwakabona. Olwo waali wayiseewo ebiro bya mirundi ena oba n'okusingawo. Kati musobola okulaba nti "emirembe n'emirembe" tekigeraageranyizibwa ku "butaggwaawo" oba ekyo ekitalina ntandikwa oba enkomerero. Wano ekigambo "emirembe n'emirembe" kitegeeza "okutuuka ku kuggweerera oba okuggwaawo ng'ekintu tekikyayinza kulabika." Bwe kityo bwe kyali. Baggwaawo.

Laba ekigambo "okuzikirizibwa" mu 2 Basessalonika 1:9,

*"Alibonerezebw n'okuzikiriza okw'emirembe n'emirembe."*

Mu lulimi Oluyonaani "okuzikiriza" kitegeeza okusaanyaawo ne watasigalawo kantu konna. Era ekigambo ekyo, "okuzikiriza" TEKITEGEEZA kwonoona kintu. Kati "okwonoona ekintu" kitegeeza kugenda mu maaso n'okwongera okuvunza. Kale olwo okusaanyaawo okw'emirembe n'emirembe kitegeeza ki? Tekitegeeza kusigala ng'okusaanyaawo singa kye kitegeeza ekigambo "okuzikiriza" kyandibadde "kuzikirira" mu kifo "ky'okuzikirizibwa". Kitegeeza okwonoona ekintu okutuusa lwe kiggweerawo ddal. Okukikomya.

Kati oynza okwewuunya, ddi lw'osobola okukozaesa ekigambo ekyo, "obutaggwaawo", n'otakikozesa ngeri gye twayigirizibwamu. Ekyo kyangu. Bwe kikozesebwa ku Katonda kitegeeza butaba na ntandikwa oba nkomerero, okubeerawo olubeerera awatali kukoma oba okusalikako. Era bw'oyogera ku bulamu obutaggwaawo oba olowooza kw'obwo obulamu obwa Katonda. "Okutegeeza kwe kuno, nti Katonda Atuwadde obulamu obutaggwaawo, nti era obulamu obwo buli mu Mwana. Oyo alina Omwana alina obulamu." Kati olwo, abaana ba Katonda bokka be balina obulamu obutaggwaawo, obwo obutaalina ntandikwa, naye nga weebuli olubeerera. Ekyo bwe kiri. Olina ekintu mu ggwe kati ekitaggwaawo — ekitalina ntandikwa oba enkomerero. Gwe Mwoyo gwa

Katonda. Kitundu ku Katonda Mwene. Bwe bulamu bwa Katonda.

Kati oba omwonoonyi wa kugenda mu ggeyeena aboneebone nga ggwe bw'ogenda mu ggulu osanyukire eyo, kitegeeza aba alina obulamu bwe bumu nga ggwe bw'olina okuva edda.

Kale wayinza okubeerayo abagamba nti obulamu obutaggwaawo kabonero akalaga okulabirirwa kw'abaana ba Katonda. Okulabirirwa kw'obulamu bwabwe n'okwewayagala bye biri mu katyabaga. Wabula ate ye omwonoonyi agenda ku kibonerezo kye, tusbole okukendeeza okufa okwokubiri kubeere kibonerezo bubonerezo na kifo. Obulamu obutaggwaawo kitegeeza ggulu, n'ekibonerezo eky'olubeerera kitegeeza ggeyeena. Kiyinza okukwewuunyisa okulaba ng'abantu abagulumiziddwa ng'abaasomerera eby'eddiini okuba nti ekyo baakkiriza. Naye omanyi ekyo kye kikola? Obulamu obutaggwaawo

Omulembe Gw'ekkanisa Ya Sumuna 123 kibufuula gyogolaafiya (kifo bufo) mu kifo ky'omuntu. Obulamu obutaggwaawo ye Katonda, — Mukama Yesu Kristo. Omuntu yenna okukkiriza ekintu ekifaanana ng'ekyo, nti obulamu obutaggwaawo kifo bufo, kisukkiridde ku bye mmanyi. Bwe nkirowoozaako kindeetera okutagala.

Nedda ssebo. Obulamu obutaggwaawo bwa ngeri emu yokka. Nga Katonda y'Abulina. Oba nga tulina Katonda, tuba tulina obulamu obutaggwaawo mu Ye era okuyita mu Ye.

Kale mulaba, ekigambo obutaggwaawo, oba emirembe n'emirembe, biyinza okukozesebwu mu ngeri ez'enjawulo naye bwe kikwata ku Katonda, Ye nga bw'Ali ekyo ky'Ali kirina amakulu ga mulundi gumu. Ly'ebanga Katonda ly'Amala. Toyinza kukikozesa bw'otyo ku kintu kirala kyonna. Katonda yekka y'Ataggwaawo, era nga bw'Ali omulamu, tuli balamu naye.

Kati tokkiriza omuntu kukugamba nti sikkiririza mu nnyanja ey'omuliro ne mu kubonerezewa. Nzirkiriza. Simanyi bbanga ki lye kiritwala, naye nga kirituusa ekiseera ne kiggwaawo. Mu Okubikkulirwa 21:8 kigamba nti abonoonyi abo aboogerwako omugabo gwabwe gulibeera mu nnyanja ey'omuliro. Naye okuvvuunula okutuufu okw'ekigambo tekuli "mugabo" wabula "kiseera". Mulabe, kiikyo mukirina.

Kale abonoonyi balisuulibwa mu ggeyeena (amagombe oba entaana) n'eggeyeena mu nnyanja ey'omuliro. Kwawukanyizibwa ku Katonda. So nga kiriba kintu kya ntiisa.

Naye ku batuukirivu si bwe guliba. Tebateekwa kutya. Baanunulibwa Katonda. Bali mu kifuba Kye. Bawanguzi. Era ani oyo awangula? Oyo akkiriza nti Yesu ye Kristo.

Lwaki omuwanguzi ono, omukkiriza ono alisimattuka ekibonerezo kino n'agenda mu bulamu obutaggwaawo ne mu ssanyu eggitirivu? Lwa kuba Yesu Yatusasulira omuwendo okutununula mu bibi. Yaziba ebbanga eritwawula, naffe abaali ewala kaakano omusaayi gutusembezza kumpi.

Era tebalivunaanibwa musango. Tebagenda kuba mu nnyanja eyo ey'omuliro. Tebasobola kubula kubanga Tasobola kubulwako n'omu. Tewali n'omu ku banunule alibeera wantu walala okuggyako Yesu w'Ali.

Mumanyi Iwaki ekyo kiri bwe kityo? Ka mbawe ekifaananyi. Nnina akalenzi, ka Joseph. Kitundu ku nze, si nsonga ne bwe kiriba ki ekibeerawo. Singa nnali musajja mugagga, kye nnandikoze ekisingayo obubi bwe butamuwa ku bya busika bwange naye tewali kye nnyinza kukola okumwegaana. Sisobola kubanga kitundu ku nze. Wano ka tukebere omusaayi. Tugugeraageranye ogugwe n'ogwange. Kijja kutuwa obukakafu nti Joseph mutabani wange. Wange.

Okukebera omusaayi kwe kulaga oba oli wa Katonda oba toli.

Siyinza kukyebeera okulowooza ku biseera we nnalundiranga ente ezitali za kika kya maleeto eziyitibwa Herefords eyo mu Colorado. Twazitwalanga zisooke zikeberebwe gavumenti nga tezinnakkirizibwa kulundirwa ku malundiro ga gavumenti. Naye nga tebayinza kukkiriza yadde nte emu okutali kabonero ka musaayi ku kutu. Obubonero obwo obwateekewanga ku matu nga bulaga nti omusaayi gw'ente eyo si mutabule. Abakuumi abaazikeberanga tebaatunulangako ku bulambe wadde omulundi ogumu okuggyako ku kabonero akalaga nti omusaayi gwe gwo omutuufu ogutali mutabule. Aleruuya. Bwe guba nga gwe musaayi omutuufu, erina kuba ntuufu.

Mumanyi Katonda yatunula n'Alangirira, "Emmeeme eyonoona, y'erifa. Ebeera eyawuddwa ku nze. Tesobola kuntukirira." Tumanyi nti bonna baagwa ne batatuuka ku kitibwa kya Katonda. Ekyo kyategeeza nti bonna baafa, bonna baayawukana, era lumu ekiseera kyali kya kutuuka n'obulamu obwo obutono bufulume byonna biggwe. Naye

Katonda mu kwagala, yaddiru ensolo n'Akozesu obulamu bwayo mu kifo ky'obulamu bw'omwonoonyi.

Mu Ndagaano Enkadde omwonoonyi yaleetanga omwana gw'endiga. Yateekanga omukono gwe ku mwana gw'endiga oyo nga kabona bw'agisala obulago. Yawuliranga okuyiika kw'omusaayi n'okukaaba kwayo. Yawuliranga ng'ekakanyaala mu kufa. Yalabanga omukka gw'omusaayi ogumansiddwa nga gwambuka eri Katonda. Yamanya nti endiga yali etutte ekifo kye. Yamanya nti obulamu bw'endiga eyo bwali butwaliddwa olw'obulamu obubwe. Naye obulamu bw'endiga eyo bwali bulamu bwa nsolo era bwali tebusobola kukomawo eri mwonoonyi kumulongoosa. Kale yavangawo ng'akyalina okwegomba kwe okw'okwonoona. Yagendanga ng'alina ekibi mu mutima gwe, n'akomawo oluvannyuma n'awaayo saddaaka ku lw'ekintu kye kimu nga wayiseewo omwaka.

Naye mu Ndagaano Empya si bwe kiri. Omwana gw'Endiga gwaffe ogufa ye Mwana wa Katonda Eyawaayo omusaayi Gwe okuba omutango ku lw'abangi. Okuyita mu kukkiriza tugenda ne tuteeka emikono gyaffe ku Mwana gw'Endiga — tumulaba n'ebiwundu ebirimu omusaayi, omugongo omutaagule, amaggwa nga gayuza ebsige Bye — muli tuwlira obulumi Bwe mu mibiri gyaffe n'amatu gaffe nga gawulira okukaaba Kwe, "Katonda Wange, Katonda Wange, kiki ekikundesezza?" Kiki ekyaliwo? Obulamu obwava mu kaweke k'omusaayi akaamenyeka bwakomawo ku oyo eyeenena. Obulamu obwo obwali mu Ye bwakomawo gye tuli. Tetuddayo nga tukyalina okwegomba okwonoona, era kati tukyayira ddala ebikolwa n'okwegomba kw'omubiri.

Tutunuulire. Obulamu bwaffe kye ki? Kaweke kamu akaava mu kitaffe. Ekikazi si kye kibeera n'ensigo y'omusaayi (haemoglobin). Ekikazi kye kivaamu egg; kye kimaamira. Naye omusaayi guva mu kisajja. Eyo y'ensonga Iwaki omukazi atwala erinnya ly'omusajja. Abaana batwala linnya lya musajja. Omukyala ye amaamira bumaamizi abaana b'azaalira omusajja.

Ekyo kye kyabeerawo olw'obununuzi bwaffe. Omwoyo Omutukuvu Yajja eri Malyamu n'azaala Omwana n'amuyita erinnya Yesu. Omuronzi ow'ekitalo yakka ku nsi n'Afuuka ssadaaka olw'ekibi kyaffe. Omusaayi Gwe gwali musaayi gwa Katonda. Ekyo ky'ennyiini kye gwali. Omusaayi gwa Katonda ogwo gwayiika Omwoyo n'amuleka n'Afiira mu buyinike. Olwo OBULAMU BWE BUMU (OMWOYO) ne bukomawo okubeera mu mwonoonyi eyeenena bumufuule ow'eddeme. Omwonoonyi oyo teyakomangawo buli mwaka okuwangayo ssaddaaka ate n'adda n'omwaka omulala, kubanga kyali tekyetaagisa. Okuyita mu ssaddaaka EMU, omulundi gumu gwokka asumuluddwa okuva mu kufugibwa ekibi, n'afuna obulamu bwa Kristo mwafugira ekibi mu buwanguzi, ensi, omubiri ne setaani.

Katonda Yakikola. Yakikolera ddala kyonna. Yakaaba eri ensi eyakolimirwa mu kibi, "Nja kubawa akabonero. Omuwala atamanyi musajja alibeera n'omwana. Omuwala atamanyi musajja aliba olubuto azaale Omwana ow'obulenzi. Ako ke kaliba akabonero kammwe. Kaliba kabonero ka lubeerera. Ky'alizaala aliba Emmanweri, Katonda Ali n'affe."

Katonda Yakka ku nsi mu kaweke k'omusaayi, so si kuyita mu muntu, wabula mu Mwoyo Omutukuvu, era mu lubuto olwo olw'omuwala atamanyi musajja olusisiira olw'ekigendererwa ky'okufa lwazimbibwa. Ezzadde y'omukazi lyajja Alyoke Abetentebwe okutuleetera obulokozi bwaffe. Omwoyo OMUTUKUVU bwe yasiikiriza Malyamu, Yamutonderamu mu lubuto akaweke akaali kagenda okwebazaamu kafuuke omubiri gwa Mukama waffe. Akaweke ako kaatondebwa. Ye Yali Entandikwa y'Ebitonde bya Katonda. Ekyo Yesu ky'Ali. Era Omutukuvu Oyo n'Ajjula n'omusaayi Omutukuvu, era omusaayi ogwa Katonda. Olusiisira olwo alwazaalibwa Yakula n'Asajjakula. Yagenda ku Yoludaani era awo Ssaddaaka eyo Yokaana gye yaginaliza ku mugga oguyitibwa Yoludaani. Ssaddaaka eyo Eyakkirizibwa bwe Yava mu mazzi, Katonda n'Ajja n'Agibeeramu, n'Amujuza n'Omwoyo awatali kigera. Bwe yafa n'Ayiwa omusaayi Gwe, obulamu bwa Katonda obutuukiridde bwanunulibwa bukomewo ku mwonoonyi eyali ow'okukkiriza Kristo ng'Omulokozi we.

Oh, nga kyewuunyisa. Yakuwa, yazaalibwa mu kifo awaali entuumu ya kazambi. Yakuwa Yazaalibwa mu kisero ky'omuddo. Kaako akabonero ko ak'emirembe n'emirembe eri ab'amalala abeegulumiza, abeefuula okuba nti bamanyi era abayiyizzaawo enjigiriza zaabwe ez'eby'eddiini ne beegaana amazima ga Katonda. Yakuwa Katonda omwana omuwere Akaabira mu kisibo ekiwunya. Olwo nno tulowooza nti tulina eddembe okuba ab'amalala, ne tuwanika ennyindo zaffe, ne tukolokota ne

tweyisa obubi gy'obeera nti tuliko kye tuli. Akabonero kammwe kennyini kaakano. Ke kano akatuufu. Yakuwa, ng'Azannya ng'omulenzi. Yakuwa ng'Akolera mu dduuka ly'omubazzi. Yakuwa ng'Anaaza ebigere by'abavubi.

"Ndibawa akabonero," Katonda bwe yagamba. "Si kabonero aka kkoola ey'obwakabona. Si kabonero ka bugagga na buyinza. Tewali kintu mu kabonero kano kye muneegomba, oba kye munaalowooza nga kisaanidde. Wabula kabonero ka mirembe na mirembe. Ke kabonero akasingirayo ddala obukulu." Yakuwa ng'Ayimiridde mu luggya ng'Abetenteddwa, ng'attonnya omusaayi era ng'Alina n'amaggwa ku bisige ng'Awandirwa amalusu mu maaso, ng'Asekererwa era nga Tatiibwako. Yakuwa, ng'Agaaniddwa ng'Anyoomeddwa, ng'Awanikiddwa bukunya ku musaalaba, nga bannanfuusi bamusoomooza ave ku musaalaba. Yakuwa ng'Afa. Yakuwa ng'Asaba naye tewali kikolebwa. Olwo Yakuwa n'afa. Ako ke kabonero k'abantu bona kaakano. Tewali kakafaanana. K'ek'ekitalo.

Olwo enzikiza n'ejja ku nsi. Ne bamuteeka mu ntaana. N'Abeera omwo ennaku ssatu emisana n'ekiro okutuusa musisi lwe yamenya enzikiza y'ekiro n'Avaayo. Yakuwa yafuluma. Yakuwa n'Alinnya waggulu. Yakuwa n'akomawo okubeera mu KkanisaYe. Yakuwa yadda n'empewo ey'amaanyi ng'erimu ennimi z'omuliro. Yakuwa yakomawo Atambulire mu kkanisa wakati Awe abantu be amaanyi. Ate era omulundi omulala Yakuwa Yajja, naye ku luno kusigala mu bantu be. Ate era Yakuwa Awonya abalwadde, Azuukiza abafu era Yeeyoleseza mu Mwoyo. Yakuwa Yakomawo, ng'Ayogera mu nnimi, ate ng'Awa okuvvuunulwa.

Yakuwa Yakka wansi n'Ayimusa malaaya obutaddamu nate kwonoona. Yajja eri omutamiivu eyalina enkufo mu maaso ge ng'agalamidde era ng'azirikidde mu mufulejje. Yee, Yakuwa Yajja okweyleka mu mubiri era ne yeeyolekera mu mubiri. Yakuwa Yajja — Katonda mu ffe, essuubi ly'ekitiibwa.

Ddala, Yesu Yajja n'Ayiwa omusaayi Gwe n'Asumulula abawambe. Yajja n'Atununula endiga ze ezaabula. Yaziwa obulamu obutaggwaawo era tezirizikirira. Tagenda kubulwako n'emu naye Alizizuukiza ku lunaku olusembayo.

Aleruuya, okufa okwokubiri tekubalumyako. Tekubalinaako buyinza. Kubanga ba Mwana gw'Endiga era bamugoberera buli w'Agenda.

#### Omwovo Omwoko Mu Buli Mulembe

Okubikkulirwa 2:11,

*"Oyo alina okutu awulire Omwovo ky'Agamba ekkanisa."*

Tewali mulembe n'ogumu ogw'ekkanisa olunyiriri luno we lutayogerwa. Buli mulembe gwonna gulina okulabulwa kwe kumu eri abantu ba buli mulembe. "Oyo alina okutu, awulire Omwovo ky'Agamba." Wabula tekisobokera ddala abantu bona okuwulira Omwovo ky'Agamba eri emirembe egy'enjawulo.

I Abakkolinso 2:6-16,

*"Naye amagezi tugoogera mu abo abatuukirira; naye amagezi agatali ga mirembe gino, era agatali ga bakulu ab'omu mirembe gino, abaggwaawo;*

*naye twogera amagezi ga Katonda mu kyama, gali agaakisibwa Katonda ge Yalagira edda ensi nga tezinnabaawo olw'ekitiibwa kyaffe:*

*abakulu bona ab'omu mirembe gino. Ge batategeeranga n'omu kuba singa baagategeera tebandikomeredde Mukama wa kitibwa:*

*naye nga bwe kyawandiikiba nti Eriiso bye litalabangako, n'okutu bye kutawuliranga, N'ebitayingiranga mu mutima gwa muntu, Byonna Katonda bye Yategekera abamwagala.*

*Naye ffe Katonda Yatubikkulira ku bw'Omwoyo: kubanga Omwoyo Anoonya byonna era n'ebitategeerekeka eby Katonda.*

*Kubanga muntu ki ategereera eby'omuntu wabula omwoyo gw'omuntu oguli mu ye? era bwe kityo n'ebya Katonda siwali abitegeera, wabula Omwoyo gwa Katonda.*

*Naye ffe tetwaweebwa mwovo gwa nsi, wabula Omwoyo Oguva eri Katonda, tulyoke tutegeerenga Katonda by'Atuwa obuwa. N'okwogera twogera ebyo, si mu bigambo amagezi g'abantu bye gayigiriza, wabula Omwoyo by'Ayigiriza; bwe tugeraageranya eby'omwoyo n'ebya'omwoyo.*

*Naye omuntu ow'omukka obukka takkiriza bya Mwovo gwa Katonda; kubanga bya busirusiru gy'ali; era tayinza kubitegeera, kubanga bikeberwa na Mwovo.*

*Naye omuntu ow'omwoyo akebera byonna, naye ye yennyini takeberwa muntu yenna. Kubanga ani eyali ategedde okulowooza kwa Mukama waffe, okumuyigiriza? Naye ffe tulina okulowooza kwa Kristo."*

Matayo 13:13-16,

*"Kyenva njogera nabo mu ngero; kubanga bwe balaba tebalaba, bwe bawulira tebawulira so tebategeera.*

*Naye Isaaya bye yalagula bibatuukiriridde, ebyayogera nti Muliwulira buwulizi, naye temulitegeera; muliraba bulabi, naye temulyetegereza:*

*Kuba omutima gw'abantu bano gusavuwadde, N'amatu gaabwe gawulira bubi, N'amaaso gaabwe bagazibye; baleme okulaba n'amaaso, n'okuwulira n'amatu, N'okutegeera n'omutima N'okukyuka, Ne Mbawonya.*

*Naye amaaso gammwe galina omukisa kubanga galaba; n'amatu gammwe, kubanga gawulira."*

Yokaana 8:42-44,

*"Yesu n'Abagamba nti Singa Katonda ye Kitammwe, mwandinjagadde Nze: kubanga Nnava eri Katonda ne Njija, so Sajja ku Lwange Nzeka, naye Oyo ye Yantuma.*

*Kiki ekibalobedde okutegeera enjogera Yange?*

*Mmwe muli ba kitammwe Setaani, era mwagala okukola okwegomba kwa kitammwe. Oyo okuva ku lubereberye ye mussi, so teyanywerera mu mazima, kubanga amazima tegaali mu ye. Bw'ayogera obulimba, ayogera ekiva mu bibye; kubanga ye mulimba era kitaawe w'obulimba."*

Kyeragira ddala okuva mu Byawandiikibwa bino nti tewali muntu ku lulwe ayinza kuwalira Katonda. Obusobozi obwo bulina kumuweebwa Katonda.

Matayo 16:17,

*"Ne Yesu n'Addamu n'Amugamba Olina omukisa Simooni Ba-yona: kubanga omubiri n'omusaayi tebyakkubikkulira ekyo wabula Kitange Ali mu ggulu."*

Ennyiriri zino nga tuzitadde wamu tulaba nti waliwo ekibiina kimu kyokka eky'abantu era nti ekibiina eky'enjawulo ennyo abasobola okuwulira Omwoyo ky'Ayogera eri buli mulembe. Kibiina kimu eky'enjawulo kye kifuna okubikkulirwa okwa buli mulembe. Ekibiina ekyo kya Katonda, kubanga ekibiina ekitasobola (kuwulira) si kya Katonda (Yokaana 8:42-44). Ekibiina ekyo ekisobola era ekiwulira Omwoyo ky'Ayogera era ne kifuna okubikkulirwa okwo kye kibiina ekyo ekinnyonnyolwa mu I Abakkolinso 2:6-16. Beebo abalina Omwoyo wa Katonda. Beebo abaazaalibwa Katonda. Baabatizibwa mu mubiri gwa Mukama Yesu Kristo n'Omwoyo Gwe. Baabatizibwa n'Omwoyo Omutukuvu.

Okwongera okutangaaza ku kye twakoogerako, n'okukozesa Ekyawandiikibwa kye tuteekwa okujjukira nga twogera ku ani abatiziddwa n'Omwoyo Omutukuvu, laba Yesu kye Yagamba mu Yokaana 6:45,

*"Kyawandiikibwa mu ba nnabbi nti BONNA baliyigirizibwa Katonda."*

Naye bikkula mu Isaaya 54:13 kino we kiggyibwa era kisoma,

*"N'abaana bo bona baliyigirizibwa Mukama."*

Ekigambo kino BONNA aba Katonda be BAANA ba Katonda N'olw'ekyo kiri nti obukakafu obw'okubeera omwana wa Katonda omutuufu, (oyo Omwoyo gw'Asseeko n'Abeera mu ye) buddamu okulagibwa ng'omuntu ayigirizibwa Ekigambo ng'ayigirizibwa Omwoyo Omutukuvu.

Kaakano musobola okutandika okulaba Iwaki ennimi si bwe bukakafu obulaga nti omuntu yabatizibwa n'Omwoyo Omutukuvu. Tekigambwangako mu mulembe gwonna nti "Oyo alina ennimi ayogere Omwoyo ky'Agamba." Ekyo ennimi, okuvvuunula kwazo, obunnabbi n'ebirala, kibirobera okuba obukakafu. Obukakafu buli KUWULIRA Omwoyo ky'Agamba. Omwoyo Ayogera. Weewaawo, Omwoyo Ayigiriza. Ekyo kyennyini Yesu bwe Yajja kye Yayogera nti ky'Alikola.

Yokaana 14:26

*"Alibayigiriza byonna Alibajjukiza byonna bye Nnabagamba."*

Era ekyo kye kyatuukirira. Eyo y'engeri ebitabo by'Enjiri gye byawandiikibwamu. Abantu bano bajjukira ng'Omwoyo Omutukuvu abayambako, ebigambo byennyini Yesu bye Yayogera. Eyo y'ensonga Iwaki Ebitabo by'Enjiri tebirii mu nsobi. Tebirii ko kibulako. Okubajjukiza ebintu byonna Omwoyo si kye kyokka kye Yakola naye Yayongera

n'okubayigiriza okwongera ku mazima ge baalina. Eyo y'engeri Pawulo gye yafuna okubikkulirwa kwe. Yakwogerako bw'ati,

Abaggalatiya 1:11-12,

*"Kubanga mbategeeza, ab'oluganda, nti enjiri eyabuulirwa nze si ya buntu: kubanga nange ssaagiweebwa muntu so siyigirizibwanga, wabula mu kubikkulirwa kwa Yesu Kristo."*

Yayigirizibwa Omwoyo Omutukuvu.

Lwali lumu Yesu ng'Ali ku nsi, omusajja omu omukulu yajja okumukyalira. Omusajja ono yamugamba "Labbi, tumanyi ng'oli muyigiriza eyava eri Katonda." Naye ojja kulaba nga Yesu Yamusala ekirimi. Yakyukira Nikodem era ebigambo bye yayogera biyinza okuvvuunulwa bwe biti. "SIRI muyigiriza. Ndi Mwana gw'Endiga Aweebwayo olw'ekibi. Kye Nkola kati kwe kusobozesa Okuzaalibwa okuggyga n'Omwoyo Gwange. Naye eriyo Oyo Ajja nga ye Muyigiriza. Ye Mwoyo Omutukuvu." Yesu bwe Yali ku nsi Yajja ng'Omwnana gw'Endiga, era nga Nnabbi. Naye bwe Yakomawo ku kkanisa ng'Omwoyo, Yafuuka Omuyigiriza.

Era eri buli mulembe tuwulira amazima ge gamu. "Oyo alina amatu awulire Omwoyo ky'Agamba ekklesia." Naye omuntu yekka eyajjuzibwa n'Omwoyo Omutukuvu y'asobola okuwulira okubikkulirwa kw'omulembe ogwo. Tewali mulala asobola. Nedda ssebo. Tebasobola kubanga ekyo kyennyini Pawulo kye yagamba mu I Abakkolinso 2:6-16.

Kaakati kino kisaanye kibasanyuse. Waliwo enjigiriza esingayo okuba enjawufu ereeta obutategeeragana n'obukyayi. Kubanga Abapentekoote bwe bagamba nti OTEEKWA okwogera mu nnimi oba si ekyo tobatizibwanga mu Mwoyo Mutukuvu, ku bibiri baba bawakana nti abasajja ab'ekitalo nga Knox, Moody, Taylor, Goforth n'abalala nti tebaafuna Mwoyo Mutukuvu oba baba bagamba nti bona ennimi baazoogera mu kyama era baali tebamanyi na kigenda mu maaso mu kiseera ekyo kyennyini. Kati ekyo si kituufu. Nedda ssebo. Eyo nsobi mpitirivu. Ennimi si bwe bukakafu obw'okujjuzibwa n'Omwoyo Omutukuvu. Kimu bumu ku kweyleka okw'emirundi omwenda okwayogerwako mu I Abakkolinso 12. Tewali kyawandiikibwa kigamba nti ofuna Omwoyo Omutukuvu ng'oyogera mu nnimi. Wabula kigamba nti "Nga bamaze okujjuzibwa n'Omwoyo Omutukuvu baayogera mu nnimi", era oluvannyuma kigamba nti baalagula.

Leero mu bantu bangi kimala gatwalibwa nti abo bona abagamba mbu baafuna Omwoyo Omutukuvu okuyita mu kwogera ennimi baayogerera ddala ennimi entuufu ez'Omwoyo. Naye kino si bwe kiri kubanga abantu bangi boogera mu nnimi ezimanyiddwa nga balunngamizibwa omwoyo omukyamu. Kati ka tugambe nti tuli mu lukunngaana era abantu bona nga boogera mu nnimi.

Oyinza otya okumanya olulimi oluva ew'Omwoyo n'olwo oluva ewa setaani? Mbaddeko mu bakaafiiri gye nnalabira abasamize baabwe nga balumika omusaayi okuva mu buwanga, ne boogera mu nnimi ne bavvuunula n'okulagula ne balagula. Basobola n'okuwandiika mu nnimi. Kati oba ng'ennimi BWE bukakafu bw'okufuna Omwoyo Omutukuvu, kitegeeza buli lulimi lulina kuba Iwa Katonda. Naye abo abakitwala nti ennimi bwe bukakafu obulaga bakikkiriza nti waliwo ennimi enkyamu n'entuufu, Katonda y'Alina entuufu ate setaani y'alina enkyamu. N'olw'ekyo ekibuuozo kyange kiri nti, "Ani amanyi ekituufu? Ani yategeera olulimi okusobola okumanya biki ebyayogerwa? Ani alina ekirabo ky'okwawula (wakati w'ebirungi n'ebibi) okusobola okumanya?" Kati bwe tufuna okwanukulwa kw'ebibuuozo ebyo tujja kuba n'ekituyamba okugenda mu maaso naye nga tetunnaba tulina okusigala nga tukyanonya ensibuko y'ennimi. Muyinza okulaba kati nti bw'owagira nti ennimi bwe bukakafu nga tomanyi kiki kyogerwa, olina okutuuka mu kifo awali nti ennimi zonna zirina kuba za Katonda. Ekyo olwo kiba kituleetera okukkiriza nti setaani tasobola kwogera mu nnimi. Ekyo si bwe kiri; wadde n'akatono. Omuminsane yenna omutuufu ali emitala w'amayanja akimanyidde ddala bulungi nti setaani ayogera mu nnimi endala, nga nze bwe nkimanyi okusinziira ku bumanyirivu bwange.

Abapentekoote abaasomerera eby'eddiini bakkiriza nti tebalina Byawandiikibwa biraga nti abantu boogera n'ennimi nga babatiziddwa n'Omwoyo Omutukuvu. Bakkiriza nti bakijja mu bumanyirivu obwajjavo mu Bikolwa by'Abatume mwe tusanga nga emirundi esatu ku etaano ennimi lwe zaayogerwa. Era boogera awatali Kyawandiikibwa kyonna nti waliwo ennimi za bika bibiri. Ekimu ku bika ebyo kye ky'olulimi lw'oyogera ng'ofuna Omwoyo Omutukuvu era bwe "bukakafu", ate oluvannyuma bw'okkiriza, oyinza okufuna

ekirabo ky'ennimi olwo n'oba nga osobola okwogera bulijjo.

Wabula ate, bagamba, ng'omaze okwogera mu nnimi ng'akabonero oba obukakafu nti ofunye, oyinza obutaddamu nate kuzoogera. Naye twagala okumanya wa kino we kisangibwa mu Kigambo. Bwe kiba nga tekiriimu, olwo, Katonda teyakyogera era zimusenze agattako ku Kigambo ekyo. Naye waliwo ekintu ekiri mu Kigambo ekikwata ku mutwe guno (eky'okuyiga kino) kye batafiirako ddala n'akatono. I Abakkolinso 13 kyogera ku nnimi za bamalayika n'abantu. Zino z'ennimi ezitegeerekeka n'ezitategerekeka. Abapentekoote ab'ennaku zino bagamba nti basobola okufuna Omwoyo Omutukuvu nga boogera mu nnimi ezitamanyiddwa oba eza bamalayika. Ekigaali kye bakulembeffa embalaasi, kubanga mu Bikolwa 2 abantu baayogera mu nnimi zennyini ezitegeerekeka n'abatakkiriza ze baawulira era ne bategeera.

Kati Katonda bw'Asirika naffe kitugwanidde okusirika. Naye awo w'Ayogeredde naffe tusaanye twogere, era tugambe ekyo ky'Agambye. Yatubuulira obukakafu, oba ekiddirira nga tubatiziddwa n'Omwoyo Omutukuvu era ekyo kyali nti twali ba kufuna Omuyigiriza Ajje Atusomese amazima gonna. Naye Omuyigiriza oyo wa MUNDA so si w'ebweru. Omwoyo bwe Yaba nga tali mu nda yo, wali tosobola kuwlira mazima n'ogafuna okuyita mu kubikkulirwa ne bw'ogawulira buli kaseera olunaku Iwonna. Ako ke kaali akabonero akalaga ng'Omwoyo bwe yali munda mu nnaku za Pawulo. Abo abaali bajjuziddwa n'Omwoyo baawulira Ekigambo, baakifuna era obulamu bwabwe ne butambulira mu kyo. Abo abataalina Mwoyo baakiwlira buwulizi ng'ab'omubiri, ne bakivvuunula mu ngeri enkyamu ne bagenda mu kwonoona.

Mu buli mulembe, (era buli mulembe guba mulembe gwa Mwoyo Omutukuvu eri omukkiriza omuntuufu) — kye nngamba, nti mu buli mulembe obukakafu bwali bwe bumu. Abo abaalina Omwoyo, Omuyigiriza, baawulira Ekigambo n'Omwoyo Oyo Eyabalimu ytwala Ekigambo n'Akibayigiriza; (n'Akibikkula) era abo be bantu abaawulira omubaka n'obubaka bwe ne babutwala obulamu bwabwe ne bubutambuliramu.

Mmanyi kikemo kya kitalo okujulizaako emabega ku lunaku lwa Pentekoote n'olunaku Omwoyo Omutukuvu Iwe Yakka mu nnyumba ya Koluneeriyo olwo ebintu ebyo ebibiri ebifaananira ddala n'obiraga ng'obukakafu bw'okubatizibwa n'Omwoyo Omutukuvu. Naye ku buli mulundi ennimi zategeerekeka abawuliriza. Kino kyawufu nnyo ku ekyo ekya Baberi y'ennaku zino ey'omuvuyo mu nkunngaana za ba Pentekoote. Era oba nga kino tekimala kutuggyamu ndowooza oba mpaka bwe zityo, tunaakola tutya nga twolekebwia kino nti abantu abatayogerangako mu nnimi balina ebirabo ebirala omunaana mu bulamu bwabwe, nga magezi, okusobola okwawula emyoyo emirungi n'embi (discernment of spirits), ekigambo ky'okumanya, okukkiriza, okuwonya n'ebyamagero? Era kino ekirabiddwa kisanyusa n'okusingawo okulaba nti ennimi ky'ekirabo ekisembayo obutono mu byonna omwenda; kale bwe tulaba abantu abatazoogera, wadde abatazoogerangako nga bakozesa ebirabo ebisinga ku abo aboogera mu nnimi tuteekwa okusambajja enjigiriza ng'eyo okusinga bwe twali tukoze.

Kale kati musobola okulaba, nti tetuyinza kwogera Bayibuli ky'etayogedde. Ebyawandiikibwa bwe bituyigiriza nti omulimu gw'Omwoyo Omutukuvu n'okweyleka kw'Omuntu oyo ow'Omukisa kwe kuleeta amazima ga buli mulembe eri ensigo y'omulembe ogwo entuufu, awo we tumanyira nti Omwoyo Ali mu muntu oyo oba si ekyo tasobola kufuna mazima ga kiseera ekyo. Amiina. Ekyo kituufu ddala. Era emirembe gino oba waliwo ekintu kyonna ekivaamu, ddala amazima gano ge gavaamu.

Kati nga tetunnava ku kya kuyiga kino njagala okutangaaliza ddala Okubatizibwa kw'Omwoyo Omutukuvu kye kuli okusinziira ku Kigambo. Si kusinziira ku nze ate si kusinziira ku ggwe. Kirina kusinziira ku "Bw'Atyo bw'Ayogera Mukama," oba si ekyo tubuzaabuziddwa. Amiina.

Okusooka mujja kulaba nti mu nkunngaana zange bwe mba mmaze okubuulira obubaka obw'enjiri ey'ebweru, oba okuyigiriza, nsuula akatimba ne mpita abantu bajje. Mbayita okujja mu maaso, bafune Omwoyo Omutukuvu. Mikwano gyange Abapentekoote, kino bwe bakiwlira balowooza nti mpita bantu bajje babatizibwe n'Omwoyo Omutukuvu kubanga baba bamaze okuzaalibwa omulundi ogwokubiri. Kale bwe mpita abo abajjuzibwa edda okujja okuyamba abo abeewaddeyo okujja okufuna Omwoyo, abalungi bano bangwa mu maaso ne bayamba abantu mu ngeri y'okubawagira oba okubazzaamu amaanyi okwewaayo eri Katonda n'okukkiriza okwogera mu nnimi. Kino kireese omuvuyo mungi era njagala okubabuulira kiki ddala kye ntegeeza. Kye ntegeeza ye mwonoonyi okujja mu maaso okuzaalibwa nate, ng'ekyo kwe kubatizibwa mu mubiri gwa Kristo okuyita mu Mwoyo Omutukuvu era ng'ekyo

kyennyini kye kyaliwo ku lunaku lwa Pentekoote ekkanisa Iwe yatandika. Amakulu nti, okuzaalibwa n'Omwoyo mu butuufu kwe kubatizibwa n'Omwoyo Omutukuvu. Kiri kimu era kye kimu.

Kati nkiraba nti kijja kuba nga kibuzaabuza wano okumala akaseera, abasinga obungi nga bwe bamanyi nti nnayawulibwa ng'omubuulizi mu Babaptist era nga nakirangirira n'obuvumu nti Ababaptist baabula olw'okugamba nti BW'OKKIRIZA ova ofunye Omwoyo Omutukuvu, w kubanga si bwe kiri. Mumufuna "okuva Iwe mukkiriza."

Ebikolwa 19:2-6,

*"N'abagamba, mwafuna Omwoyo Omutukuvu okuva Iwe mwakkiriza? Ne bamugamba nti nedda, n'okuwulira tetuwuliranga nti waliwo Omwoyo Omutukuvu.*

*N'abagamba nti kale mwabatizibwa kuyingira mu ki? Ne bagamba, nti mu kubatizibwa kwa Yokaana.*

*Pawulo n'ayogera nti Yokaana yabatiza okubatiza kw'okwenenya ng'agamba abantu bakkirize agenda okujja ennyuma we, ye Yesu.*

Bwe baawulira ne babatizibwa okuyingira mu Linnya lya Mukama waffe Yesu.

*Pawulo bwe yabassaako emikono, Omwoyo Omutukuvu n'ajja ku bo, ne boogera ennimi, ne balagula."*

Bwe kityo bwe kiba. Pawulo yababuuza, "Mwafuna BUKYA MUKKIRIZA SO SI LWE MWAKKIRIZA". Era awo waliwo enjawulo nnene kubanga tufuna LUVANNYUMA lwa kukkiriza. ABAEFESO 1:13 kye kimu ddala n'ekyo ekyaliwo mu Efeso okusinziira ku Bikolwa 19,

*"Era nammwe mu ye bwe MWAWULIRA ekigambo eky'amazima, Enjiri ey'obulokozi bwammwe: mu Oyo n'okukkiriza bwe MWAKKIRIZA (so si Iwe mwakkiriza) muteekebwako akabonero n'Omwoyo Omutukuvu eyasuubizibwa."*

Kati kye nngamba kiikino. Abantu bayitirivu obungi ab'ebiro bino n'abo abatava ku musingi (mbu) bakkiririza mu kulokoka mu kiseera ekimu emirundi mingi kye bayita "okusalawo," era ekyo kiyitiddwa okufuna Kristo ova okuzaalibwa nate. Kati okufuna Kristo kwe kufuna Omwoyo Gwe. Okufuna Omwoyo Gwe kwe kuzaalibwa nate. Okufuna Omwoyo Gwe kwe kubatizibwa n'Omwoyo Omutukuvu. Amiina. Abantu bano bakkiriza. Ekyo kyewuunyisa. Wabula awo we bakoma Ofuna Omwoyo Omutukuvu NG'OMAZE kukkiriza. Olubeerera kibaddenga bwe kityo era bwe kiriba. Ekigambo kyennyini ekyasooka okukulembera abantu kyayogerwa Peetero ku lunaku lwa Pentekoote era yagamba,

*"Mwenenye mubatizibwe buli muntu mu mmwe, okuyingira mu Linnya lya Yesu Kristo olw'okuggyibwako ebibi byammwe, munaaweebwa ekirabo gwe Mwoyo Omutukuvu*

*kubanga okusuubizibwa kwammwe era kw'abaana bammwe n'abo bona abali ewala bona abaliyitibwa Mukama Katonda waffe."*

Ebiragiro bino byajja butereevu nga Peetero ayanukula ng'annyonnyola kiki ddala ekyali kibaddewo ku lunaku olwo olwa Pentekoote. Ekyatuukirira kyali nti Katonda okusinziira ku Yoweeri yali Afuka Omwoyo Omutukuvu gwe Yasuubiza ku mibiri gyonna. Yali tannafukibwa ova okuweebwa okutuusa ekiseera ekyo. Kino kye kyali ekiseera. Okuva ku olwo KINO kyali kya kujja nga kiyita mu kwenenya, okubatizibwa mu Linnya lya Mukama Yesu Kristo, olwo kale Katonda Yali Ateekwa buteekwa okujuza abo abajja. Peetero, ova omutume omulala yenna teyagamba, "Muteekwa okuzaalibwa nate, olwo mujuzibwe n'Omwoyo."

Eky'okuba nti eno y'engeri y'obumanyirivu ey'okukakasiza ddala nti omuntu afunye Omwoyo Omutukuvu, laba n'obwegendereza omulundi ogwaddirira Omwoyo we Yakkira ku bantu.

Ebikolwa 8:5-17,

*"Firipo n'aserengeta mu kibuga eky'e Samaliya, n'ababuulira Kristo  
ebibiina ne biwulira n'omwoyo gumu ebigambo by'ayogedde, bwe baawulira ne balaba  
ebiyamagero bye yakolanga.*

*Kubanga bangi ku bo abaaliko dayimooni, ne babavangako nga bakaaba n'eddoboozi ddene: ne bawonanga bangi abaali balwadde okukoozimba n'abalema.*

*Essanyu lingi ne libeera mu kibuga omwo.*

*Naye waaliwo omuntu omu, erinnya lye Simooni, eyakolanga eby'obulogo edda mu kibuga omwo n'awuniikiriza eggwanga ly'e Samaliya, ng'agamba nti ye mukulu; ne*

*bamuwuliranga bona okuva ku muto okutuuka ku mukulu nga bagamba nti Omuntu ono ge maanyi ga Katonda agayitibwa amangi. Ne bamuwuliranga kubanga ennaku nnyingi yabawuniikirizanga n'okuloga kwe.*

*Naye bwe bakkiriza Firipo ng'ababuulira enjiri ey'obwakabaka bwa Katonda n'erinnya lya Yesu Kristo, ne babatizibwa abasajja n'abakazi.*

*Era ne Simooni yennyini n'akkiriza; bwe yamala okubatizibwa n'abeeranga wamu ne Firipo; bwe yalabanga ebyamagero n'obubonero obunene obwakolebwanga ne yeewuunya.*

*Awo abatume abaali mu Yerusaalemi bwe baawulira nga e Samaliya bakkirizza Ekigambo kya Katonda, ne babatumira Peetero ne Yokaana; nabo bwe baatuuka ne babasabira okuweebwa Omwoyo Omutukuvu:*

*(Kubanga yali tannaba kubakkako n'omu ku bo: naye baabatizibwa bubatizibwa okuyingira mu linnya lya Mukama Yesu).*

*Olwo ne babassaako emikono ne baweebwa Omwoyo Omutukuvu."*

Okusinziira ku lunyiriri olw'ekkumi n'ebbir BAKKIRIZA EKIGAMBO. Baabatizibwa mu Linnya lya Mukama Yesu. Naye okusinziira ku lw'ekkumi n'omukaaga wadde ebyo byonna byali bwe bityo, BAALI TEBANNABA KUFUNA MWOYO MUTUKUVU. BAMAALA kukkiriza n'okubatizibwa okutuufu ne balyoka bafuna Omwoyo Omutukuvu. Eyo y'engeri yennyini nga bwe yateekebwano Peetero mu Bikolwa 2:38-39.

Ekyawandiikibwa ekirala ekitangaaza kino kisangibwa mu Abaggalatiya 3:13-14,

*"Akolimiddwa buli awanikiddwa ku muti;*

*omukisa gwa Ibulayimu gulyoke gutuuke eri amawanga mu Kristo Yesu; tulyoke tuweebwe ekyasuubizibwa eky'omwoyo olw'okukkiriza."*

Awo tekiyinzika n'akatono okugamba nti "Omukisa gwa Ibulayimu" kwe kuzaalibwa okwokubiri, era nti "ekisuubizo ky'Omwoyo" kwe kubatizibwa n'Omwoyo Omutukuvu ng'ebintu ebibeerawo ku mirundi ebiri egy'enjawulo. Kubanga Ekyawandiikibwa kisoma bwe kit: "Yesu yafiira ku musaalaba era okuyita mu kufa okwo n'okuzuukira, omukisa gwa Ibulayimu gwajja ku b'Amawanga, okuleka Abayudaaya. Kino kyabeerawo Ab'amawanga basobole okufuna Omwoyo."

Okutegeera kye nnaakoogera kwe kutangaaza Iwaki abayizi tebasangangako nga Pawulo agamba nti "Muzaalibwe nate OLWO mujuzibwe Omwoyo." Baggyeemu amakulu nti weekiri, era bataddewo amakulu agaabwe bakyogeze bwe kityo, NAYE EKYAWANDIIKIBWA SI BWE KIGAMBA. Wadde Yesu takyogerangako.

Laba mu Yokaana 7:37-39 kati ekyo okisome n'okutegeera.

*"Naye ku lunaku lw'enkomerero, lwe lukulu olw'embaga, Yesu Yayimirira n'Ayogerera waggulu, n'Agamba nti omuntu bw'alumwa ennyonta ajje gye Ndi anywe.*

*Akkiriza Nze, ng'ekyawandiikibwa bwe kigamba nti emigga gy'amazzi amalamu girifuluma mu lubuto lwe.*

*(Ekyo Yakyogera ku MWOYO, gwe baali bagenda okuweebwa abamukkiriza; kubanga Yali tannaba kugabibwa; kubanga Yesu Yali Tannaba kugulumizibwa.)"*

Kati wano kyogerera ddala n'okuggumiza nti omukkiriza bw'agenda eri Yesu mu kukkiriza n'anywa, wa kufuna emigga gy'amazzi amalamu nga giva mu ye. Era kino kitekebwa oba kituukiriza ebyo ebyaliwo ku Pentekoote.

Nga tukyalowooza ku kino ate ka tusome ne Yokaana 4:10 ne 14.

*"Yesu n'Addamu n'Amugamba nti Singa obadde omanyi ekirabo kya Katonda n'Oyo akugamba nti mpa amazzi nnywe bw'Ali, ggwe wandimusabye, naye Yandikuwadde amazzi amalamu.*

*Naye anywa amazzi ago ge Ndimuwa ennyonta terimulmira ddala emirembe gyonna; naye amazzi ge Ndimuwa ganaafuukanga mu nda ye ensulo y'amazzi agakulukuta okutuuka ku bulamu obutaggwaawo."*

Amazzi ge gamu gano amalamu googerwako, wabula ku luno teguyitibwa mugga naye luzzi (nsulo). Awo abantu we basobeza. Olw'okuba luyitibwa oluzzi era omugga balowooza nti mu kifo ekimu bwe bulamu obutaggwaawo Omwoyo bw'Awa ne mu kifo ekiddirira guyitibwa mugga (nga kyoleka okukola ennyo okw'ekitalo) alina kuba Mwoyo kati ng'Aweereddwayo Ajjuze oba Ateekemu amaanyi. Si bwe kiri. Kiri kimu era kye kimu. Omwoyo y'Awa obulamu n'amaanyi era ekyo kyajja ku Pentekoote.

Kiki ekyo ekyaleeta obutategeera buno? Eky'okuddamu kiri nti, "BUMANYIRIVU."

Tutambudde na bumanyirivu so si na Kigambo. Twala eri obumanyirivu bwo tobukozesa ng'ekipima. Waliwo omuggo gumu gwokka ogupima era ekyo KY'EKIGAMBO. Kati tunula n'obwegendereza olabe kino. Peetero yagamba "Mwenenye, buli muntu mu mmwe mubatizibwe okuyingira mu Linnya iya Yesu Kristo olw'okuggyibwako ebibi byammwe era munaaweebwa ekirabo gwe Mwoyo Omutukuvu." Pawulo yagamba, "Mwafuna Omwoyo Omutukuvu BWE mwakkiriza?" Wano wennyini we wali omutawaana gwaffe gwonna. Abantu beenenya ebibi byabwe, ne babatizibwa mu mazzi, NAYE TEBEEYONGERAYO OKUFUNA OMWOYO OKUTUKUVU. KKIRIZA OKUTUUSA LW'OFUNA OMWOYO OMUTUKUVU.

Okukkiriza Yesu ly'eddaala eriri mu kkubo ettuufu okwolekera awali Omwoyo Omutukuvu. Naye abantu bakoma awo. Bakkiriza eky'amazzi ne bakoma awo. Bakkiriza, naye ne bakoma awo. Bayibuli tegamba nti ku lunaku Iw'okkiriza LW'OFUNA. Kiri nti: "Mwaweebwa Omwoyo Omutukuvu bwe mwakkiriza?" Okuvvuunula kwennyini kuli bwe kuti: "Okuva Iwe mwakkiriza gye buvuddeko, mwafuna Omwoyo Omutukuvu?" Abantu olukkiriza, nga bakoma awo. Lw'omukkiriza si kwe kufuna Omwoyo Omutukuvu, nga weenenyezza. Weeyongerayo n'ofuna Omwoyo Omutukuvu. Mukiraba? Eyo y'ensobi eri ne bannaffe abeeyita abagendera ku byasooka. Tebalina maanyi kubanga bakoma awo nga tebannatuuka ku Pentekoote.

Balinga abaana ba Isiraeri abaava e Misiri ne bakoma mu kkubo nga tebannatuuka mu nsi ensuubize. Kati abaana ba Isiraeri baava e Misiri nga balinga obukadde bubiri obw'amaanyi. Bonna baatambilira wamu, bona baalaba ebyamagero bya Katonda bye bimu, baalya ku maanu y'emu n'amazzi agaava mu Iwazi olwakubibwa, bona baagoberera ekire kimu emisana n'ekiro naye BABIRI BOKKA be baatuuka mu NSI ENSUUBIZE. BABIRI BOKKA BE BAALI ABATUU FU OBA ABAKKIRIZA BENNYINI. Ekyo kituufu kubanga Ekigambo kitugamba nti abalala bona baafa olw'obutakkiriza; era olw'obutakkiriza tebaasobola kuyingira. (Abeb. 3:19). Kale okuva bwe kiri bwe kityo era ABABIRI BOKKA BE BAAYINGIRA, olwo abalala abaasigala tebaali bakkiriza batuufu. Kiki ekyaleeta enjawulo? Babiri baasigala n'Ekigambo. Emitima gy'abakessi ekkumi bwe gyalemererwa e Kadesubanea Yoswa ne Kalebu tebaasagaasagana kubanga bakkiriza Ekigambo ne bagamba nti "Ensi tusobola okugitwalira ddala n'okukirawo." Baamanya nti baali basobola kubanga Katonda yali Agambye, "Mbawadde ensi." Abayisiraeri abo bona nga bamaze okulaba amaanyi, obulungi n'okusumululwa ebya Katonda, tebaayingira mu kiwummulo, ng'ekyo (ekiwummulo) ky'ekifaananyi ky'Omwoyo Omutukuvu. N'olw'ekyo kati oyinza okukirabira ddala nti batono nnyo abalikkiriza okugendera ddala okutuuka ku kufuna Omwoyo wa Katonda.

Kale, wano we tutuuse. Kale njagala okweyongerayo, era bwe nnaakikola ekyo nja kuleeta abantu abamu okukyamuka. Naye ogwo si musango gwange obo si nze nvunaanyizibwa. Nvunaanyizibwa eri Katonda n'Ekigambo Kye n'eri abo abantu Katonda gye Yantuma. Nina okuba omwesigwa mu byonna by'ampa okwogera.

Mu Yokaana 6:37 ne 44 kigamba,

*"Buli Kitange gw'Ampa alijja gye Ndi; ajja gye Ndi Ssirimugo bweru n'akatono."*

*"Tewali ayinza kujja gye Ndi, Kitange bw'Atamuwalula; Nange Ndimuzuukiriza ku lunaku olw'enkomerero."*

Yokaana 1:12-13,

*"Naye abo bona abaamusembeza, Yabawa obuyinza okufuuka abaana ba Katonda, be bakkiriza Erinnya Lye*

*abataazalibwa musaayi newankubadde okwagala kw'omubiri, newankubadde okwagala kw'omuntu, NAYE ABAAZAALIBWA KATONDA."*

Abaefeso 1:4-5,

*"Nga bwe Yatulondera mu Ye ng'ensi tennaba kutondebwa, ffe okubeera abatukuvu abatalina kabi mu maaso Ge mu kwagala.*

*Bwe Yatwawula edda okumufuukira abaana ku bwa Yesu Kristo, nga bwe Yasiima olw'okwagala Kwe."*

Kale nga siyingidde nnyo kiyitiridde mu ssomo ly'obuyinza n'amaanyi ga Katonda eby'oku ntikko (kubanga ebyo byetaagisa ku bwabyo ekitabo kiramba) wano ka ndage kino nti okusinziira ku nnyiriri zino, Yesu Kristo Yeelondera omugole We, okufaanana ng'abantu bwe beelondera abagole baabwe ennaku zino. Omugole leero (omukazi) tamala gasalawo nti agenda kufumbirwa musajja gundi. Nedda ssebo. Omugole

omusajja y'asalawo n'alonda omukazi gundi abeere omugole we. (Yokaana 15:16, "Si mmwe mwannonda Nze, naye Nze Nnabalonda mmwe.") Kati okusinziira ku Kigambo kya Katonda, omugole yalondebwa ng'ensi tennabaawo. Okulondebwa kuno okw'omugole kwagendererwa mu Ye. Abaefeso 1:9,

ne Abarumi 9:11 kigamba

*"Nti okuteesa kwa Katonda ku kulonda kulyoke kunywere."*

Tosobola kukisoma mu ngeri ndala yonna. Omutima gwe guteesa, okuteesa kwa Katonda okutaggwaawo kwali kwa kwetwalira mugole gwe YEERONDERA YE, era ekigendererwa ekyo kyali mu Ye era okuva bw'Ali Ataggwaawo kyalangirirwa ng'ensi tennabaawo.

Weekenneenyne nnyo kati olabe kino. Nga tewannabeerawo wadde akaweke k'enfuufu y'emmunyeenyne; Katonda nga Tannafuuka Katonda (Katonda kye kintu eky'okusinza era tewaaliwo muntu wa kumusinza, n'olw'ekyo Yali Tanneyolesa nga Katonda.) era Yali Amanyiddwa ng'Omwoyo Ogutaggwaawo, omugole yali mu birowoozo Bye. Yee, bwe yali. Yaliwo naye ng'ali mu birowoozo Bye. Ate olwo byo ebirowoozo bya Katonda? Tebiggwaawo, si bwe kiri?

Ebirowoozo bya Katonda ebitakoma? Leka mbabuuze, "Ebirowoozo bya Katonda tebikoma?" Kino bwe muba musobola okukiraba, mujja kulaba ebintu bingi. Katonda takyuka mu byombi obukulu Bwe ne nneeyisa Ye. Ekyo twamaze dda okukiyigako era ne tukikakasa. Katonda mu busobozi Bwe Talina kkomo n'olw'ekyo Ye nga Katonda Ateekwa okuba nti amanyi byonna. Bw'Aba nga buli kimu akimanyi, kitegeezza kati aba Tayiga, oba wadde okuba nti yeeteeseza mu Ye mwennyini oba wadde okuba nti ekiseera kyonna Ayongera ku magezi Ge. Bw'Aba ng'Asobola okwongera ku magezi ge, olwo kitegeezza nti Aba Tamanyi byonna. Kye twandigambye ekisingayo kiri nti Alibeera (Aliba).

Naye ekyo tekiri mu Byawandiikibwa. Ye AMANYI byonna. Tafunangako kirowoozo kipyu ku kintu kyonna kubanga ebirowoozo Bye byonna Abaddenga nabyo olubeerera era Ajjanga kubeera nabyo era ku ntandikwa Amanyi enkomerero kubanga Ye Katonda. N'OLW'E KYO EBIROWOOZO BYA KATONDA TEBIKOMA. BYA NNAMADDALA. Tebirinha omuntu alina 'pulaani' y'ennyumba gye yakuba nga olunaku luliba lumu n'efuulibwamu ekintu ekya nnamaddala, naye byamala dda okuba ekintu ekya nnamaddala ekitaggwaawo era ekitundu ku Katonda.

Mulabe kino bwe kikola. Katonda Yalinanga ebirowoozo Bye ku Adamu. Adamu, ng'eboriwoozo bye, nga tannaba kwolesebwa.

Zabbuli 139:15-16 kino esobola okukiknnnyonyola,

*"Tewakisibwa mubiri gwange, Bwe nnakolerwa mu kyama, Bwe nnatondebwa n'amagezi amangi mu bya wansi eby'ensi.*

*Amaaso Go gaalaba omubiri gwange nga tegunnatuukirira, Ne mu kitabo Kyo ebitundu byange byonna ne biwandiikibwa. Ebyabumbibwanga buli lunaku buli lunaku, Bwe byali nga tebinnabaawo n'ekimu."*

Ekyo, nga bwe nnagambye, tekyawandiikibwa ku Adamu naye kikulaga nti ekirowoozo kyaliwo mu birowoozo Bye, kyali tekiggwaawo era kyalina okwatulibwa. Kale Adamu bwe yabumbibwa okuva mu nfuufu y'ensi n'omwoyo gwe ne gutondebwa Katonda olwo Adamu yafuuka ekirowoozo kya Katonda ekyatule, era ebirowoozo ebyo ebitaggwaawo kati byali byoleseddwa.

Tuyinza okuyitira ddala mu byasa byonna. Tusangamu Musa, Yeremiya, Yokaana Omubatiza, era buli omu ku bano yali mu birowoozo bya Katonda ebyayatulwa mu kiseera kyabyo. Olwo ne tujja ku Yesu ng'Oyo bwe Bulamba bw'Ekigambo kya Katonda (LOGOS). Ye Yali EKIROWOOZO era n'Amanyibwa (n'Ategeerebwa) nga Ye KIGAMBO. Ekyo ky'ALI, era lubeerera BW'ALIBA.

Kati kigamba nti "Yatulondera MU YE (Yesu) ng'ensi tennabaawo." Ekyo kitegeezza nti twali NAYE mu ndowooza era mu birowoozo bya Katonda ng'ensi tennabaawo. Ekyo omulonde kimufuula okuba nti TAGGWAAWO. Toyinza ekyo kukyawukanako.

Leka ntekemu ekirowoozo wano. N'okuzaalibwa kwaffe okw'obutonde kuyimiridde ku kulondebwa. Nnabaana aba n'amagi mangi nnyo. Naye Iwaki eggi erimu lye liija mu kiseera ekimu eddala ne litajja? Ate olwo mu mazzi g'omusajja, olw'ensonga etamanyiddwa akaweke akamu keekwata ku ggi so ng'obulala nabwo bwandibadde bukikola oba bwandibadde n'omukisa okusingawo naye bwo ne butakikola ne bufu bufi.

Emabega wa bino byonna waliwo okulunngamizibwa, oba si ekyo kiki ekisalawo omwana abeere muwala oba mulenzi, abe ow'enviiri eza munyerere oba eza kaweke, abe n'amaaso ag'endege oba agatali ga ndege n'ebirala. Ng'otadde ebirowoozo bino mu mutima gwo lowooza ku Yoswa ne Kalebu.

Yesu Teyagamba mu Yokaana 6:49 nti,

*"Bajjajja bammwe baaliranga emaanu mu ddungu, ne bafa?"*

Abazadde abo abaafa kyali kyetaagisa babe bajjajja b'abantu abo Yesu be Yali Ayogera nabo. Baazikirira, ate nga mu butonde baali mu kulondebwa kwa Katonda okufaanana nga Yoswa ne Kalebu bwe baali mu Mwoyo.

Naye okweyergerayo. Abalonde bano tebaali birowoozo bya Katonda ebitaggwaawo kyokka ebyali eby'okulabisibwa mu mubiri mu ntuuko zaabyo, naye abalonde bano be bamu bayitibwa n'erinnya eddala.

Abaruumi 4:16,

*"Kyekuva kuva mu kukkiriza, kulyoke kubeerenga kwa kisa, okusuubiza kulyoke kunywere eri ezzadde lyonna, si eri ab'omu mateeka bokka naye era n'eri ab'omu kukkiriza kwa Ibulayimu, ye jjajjaffe fenna."*

Abaruumi. 9:7-13,

*"So si kubanga ly'ezzadde lya Ibulayimu, kye bava babeera abaana bonna: naye, Mu Isaaka ezzadde lyo mwe linaayitirwanga.*

*Kwe kugamba nti abaana ab'omubiri, abo si be baana ba Katonda; naye abaana b'okusuubiza be babalibwa okuba ezzadde.*

*Kubanga Ekigambo kino ky'eky'okusuubiza nti Ng'ebiro ebyo bwe biri ndija, ne Saala aliba n'omwana.*

*Naye si ekyo kyokka; era naye Lebbeeka bwe yalina olubuto olw'omu, Isaaka jjajjaffe*

*(Kubanga nga tebannazaalibwa, so nga tebannakola kirungi oba kibi, okuteesa kwa Katonda mu kulonda kulyoke kunywere, si lwa bikolwa wabula ku bw'oyo ayita;) n'agambibwa nti Omukulu aliba muddu wa muto. Nga bwe kyawandiikibwa nti Yakobo nnamwaga naye Esawu nnamukyawa."*

Abaggalatiya 3:16.

*"Ebyasuubizibwa byagambibwa Ibulayimu n'omuzzukulu we. Tayogera nti N'eri abazzukulu, nga bangi, naye ng'omu nti N'eri omuzzukulu wo, ye Kristo."*

Abaggalatiya 3:29,

*"Era mmwe bwe muli aba Kristo, kale muli zzadde lya Ibulayimu, era muli basika ng'okusuubiza bwe kwali."*

Okusinziira mu Baruumi 4:16 tulaba nti Katonda Awadde Ekisuubizo Ekikafu eri ezzadde lya Ibulayimu LYONNA, era Pawulo yeebalira wamu n'abakkiriza bona mu nteekateeka eno kubanga agamba, "Ibulayimu jjajjaffe FFENNA." Olwo n'agenda mu maaso si kukendeeza kunnyonnyola kwe, wabula okukumaliriza kubanga mu Abaggalatiya. 3 abalira EZZADDE (limu) wamu ne Yesu, era n'abalira "abaana ezzadde" ng'abaana b'ekisuubizo, n'ekisuubizo okuba nti kikwatagana "n'okulondebwa", oba "okulonda kwa Katonda." Era ekyo kyennyini kye tubadde twogerako. Bano ab'Ensigo (ezzadde) Ennangira be balonde ba Katonda; era be baategekebwa abaamanyibwa Katonda, era abaali mu ndowooza ya Katonda ne mu birowoozo Bye.

Mu lulimi olutegeerekeka obulungi Omugole wa Kristo yali mu mutima gwa Katonda obutakoma, wadde nga yali tannayolekebwa okutuusa buli omu bwe yavangayo mu ntuuko entegeke, ezaalangibwa. Nga buli omu bwe yavaayo kyafuuka ekintu EKYOLEKEDWA era ekyo kyatuukirira mu mubiri. Kale omugole ono YE MUGOLE OW'ENSIGO EY'EKIGAMBO EKYOGERE. Era wadde mu butonde bwe mukazi era ayitibwa "mubiri gwa Kristo." Kirabikira ddala nti asaanira kuyitibwa ekyo kubanga yategekebwa mu Ye, yasibuka mu kifo kye kimu, yali naye wamu mu butaggwaawo, era kati ayoleka Katonda mu mubiri ogw'ebitundu ebingi so nga Katonda lumu yayolekebwa (yalagibwa mu MUNTU OMU, oyo Mukama waffe Yesu Kristo).

Kale kati tutuuka ku kukumaliriza. Ng'Obulamba bw'Ekigambo kya Katonda (Logos) bwe bwayolekebwa mu Mwana era mu Yesu ne mubeeramu obujjuvu bwa Katonda mu mubiri, era Oyo Ataggwaawo ye Kitaffe Eyayolesebwa mu mubiri, n'Afunira omwo ekitiibwa eky'okuba Omwana, era naffe bwe tutyo, nga tuli mu birowoozo Bye obitakoma mu kiseera kyaffe twafuuka ensigo ennyingi ez'Ekigambo ekyogere, nga zirabisiddwa mu

mubiri, era ebirowoozo ebyo ebitakoma ebirabisibwa kati mu mubiri be baana ba Katonda, era nga bwe tutyo bwe tuyitibwa. TETWAFUUKA ZZADDE NGA TUYITA MU KUZAALIBWA OBUGGYA, TWALI ZZADDE N'OLW'E KYO TWAZAALIBWA NATE KUBANGA ABALONDE BOKKA BE BASOBOLA OKUZAALIBWA OBUGGYA. Olw'okuba TWALI ZZADDE y'ensonga Iwaki twasobola okufuulibwa abalamu. Mu abo ABATALI ZZADDE temuli kintu kiyinza kufuulibwa kiramu.

Kino mukikuumire nnyo mu birowoozo. Kati twala eddaala eriddirira. Okununula kitegeesa kugula ekintu ne kiddayo gye kyava. Kizzibwayo ku nnyinikyo eyasooka. Katonda, okuyita mu kufa kwe, omusaayi gwe ogwayiika YAGULA NE YEEDDIZA EBIBYE. Yagula ne yeddiza Omugole ow'Ensigo ey'Ekigambo ekyogere. "Endiga zange ziwlira eddoboozi lyange (Ekigambo), era zingoberera." Lubeerera walinga ndiga. Tobangako mbizzi oba nti embwa ye yafuuka endiga. Ekyo tekisoboka kubanga buli bulamu buvaamu ekintu kye kimu era tewali kikyukako mu kika oba mu kiti ky'ekintu ekiram. Nga bwe twali mu birowoozo bya Katonda ne twolekebwu mu mubiri, waali walina okujjavo olunaku lwe tuwulirirako Eddoboozi Lye (Ekigambo), era okuwulira eddoboozi eryo tumanye nga Kitaffe bw'Atuyita tutegeere nti tuli baana ba Katonda. Twawulira eddoboozi Lye ne tukaaba ng'omwana eyazaawa bwe yakola, "Nnunula, Ai Kitange. Nkomawo gy'oli."

Omwana wa Katonda asobola okumala ekiseera nga tannategeera nti mwana. Mu butuufu Abakulisiaayo bangi bafaanana ng'olugero lw'empungu ento eyayalulirwa awamu n'amagi g'enkoko. Mukimanyi nti empungu kika kya mukkiriza omutuufu. Kale, omulunzi yaddira eggi n'aliteeka mu g'enkoko. Ekiseera kyatuuka amagi ne gaalulwa. Obukoko obuto tebwalina kizibu ne nnyina waabwo wabula yo empungu yalinga tesobola kukaaba nga nkoko n'okutakula mu bisasiro okunoonya emmere. Yasobola okubeerawo naye yatabulwatabulwa olw'ebintu ebyo.

Naye lumu, okuva mu bbanga eyo waggulu nnyina w'empungu eyabiika eggi yaketta akaana kaayo akaali wansi. Yakka wansi ku mbiro empitirivu n'ereekaana nnyo akaana kasituke kabuuke kagigoberere. Kaali tekawulirangako ku mpungu ng'ekaaba, naye bwe kaawulira eddoboozi eryo eryasooka ekintu muli kyakacamula ne kaagala okugezaako okubuuka kagigoberere. Naye kaali katya okugezaako. Naye nnyina waako yayongera okuleekaana kabuuke kamugoberere mu bbanga. Ne kaddamu nga kalaga nti katya. Omulundi ogwasembayo yaleekaana, kasobole okugezaako. Kaakuba ebiwaawaatiro byako ne kabuuka mu bbanga, nga kaddamu eddoboozi lya nnyina waako, okutuusa lwe kaatumbiira waggulu mu bire. Mulaba olubeerera kaalinga mpungu. okumala ekiseera keeyisanga ng'enkoko naye nga tekaamatira. Naye bwe kaawulira okuyitibwa kw'empungu enkulu kaagenda mu kifo kyako. Era buli mwana omutuufu owa Katonda bw'awulira eddoboozi ly'Omwoyo nga liyita mu Kigambo, naye bw'atyo, ajja kutegeera kiki ky'ali adduke ng'agenda eri Empungu, Nnabbi Ow'ekitalo abeere naye emirembe n'emirembe ng'atudde mu bifo by'omu ggulu mu Kristo Yesu.

KATI EJJINJA LYAFFE ERY'OBUWANGUZI ERITIKKIRA LIJJA nga lijja ku Kubatizibwa n'Omwoyo Omutukuvu.

Abaggalatiya 4:4-7,

*"Naye okutuukirira kw'ebiro bwe kwatuuka Katonda n'Atuma Omwana We Eyazaalibwa omukazi, Eyazaalibwa ng'Afugibwa amateeka,*

*Alyoke Abanunule abaafugibwa amateeka tulyoke tuweebwe okufuuka abaana.*

*Era kubanga muli baana, Katonda Yatuma Omwoyo gw'Omwana We mu mitima gyaffe, ng'Akaaba nti Aba, Kitaffe.*

*Bwe kityo naawe tokyali muddu, naye mwana; oba ng'oli mwana, era oli musika ku bwa Katonda."*

Bwe kiri. Yesu Kristo Yajja, n'Afiira ku musaalaba n'Amaliriza Obununu (okuzzaayo eri nannyini omubereberye nga kiyita mu kugulibwa, oba okusasula omuwendo) olwo N'ATUTEEKAWO NG'ABAANA. Teyatufuula baana, kubanga twali baana Be okuva edda, wabula yatuteekawo ng'abaana; kubanga nga bwe twabeeranga mu nsi, mu mubiri nga tetusobola kumanyibwa ng'abaana. Twali basibe ba Setaani. Wabula kwo okuba twali baana. Era wulira kino: "KALE NGA BWE MULI ABAANA, KATONDA ATUMYE OMWOYO W'OMWANA WE MU MITIMA GYAMMWE MWE MUKAABIRA, NTI KITAFFE, KITAFFE." Ku lunaku lwa Pentekoote Omwoyo Yagwa ku baani? Ku Baana. Ate e Kkolins? Ku Baana bwe baali BAWULIRA EKIGAMBO.

Okubatizibwa n'Omwoyo Omutukuvu kye ki? Ye Mwoyo okukubatiza mu Mubiri gwa

Kristo. Kwe kuzaalibwa okw'omulundi ogwokubiri. Ye Mwoyo wa Katonda okujja n'Akujjuza ng'omaze okwenenya, (ng'owulidde Ekigambo Kye) era ng'obatiziddwa mu mazzi obe nga tolumirizibwa eri Katonda.

Kye twakaggyayo kyanguko abantu bona okukitegeera singa bona bakkiriza enjigiriza y'obumu bw'Obulamba bwa Katonda. Kubanga Katonda Taliimu bantu basatu naye Ali OMU. N'olw'ekyo TETUZAALIBWA nate Mwoyo w'obulamu obwa Yesu ng'Ajja mu ffe era n'ekiva mu ekyo Omwoyo Omutukuvu Ajja mu ffe okutuwa amaanyi. Oba ekyo kituufu Iwaki Kitaffe tetumussaamu kitiiuba obutamukkiriza kubaako ky'Akola mu kutuukiriza obulokozi bwaffe, kuba obulokozi bwe buba obwa Mukama era nga ba Mukama bali basatu, kale kitegeeza YE (Kitaffe) naye, Ateekwa okubaako ky'Akola. Naye kiyinzika okulabikira ddala nti Yesu kino yakinagaaza nti Yali Ye era Yekka Ye Katonda era Ye Yekka Oyo Ajja mu mukkiriza.

Yokaana 14:16 kigamba nti "Kitaffe wa kutuma Omubeezi omulala."

Naye olw'e 17 lugamba nti Ye (Yesu) Abeera n'abo era Alina okubeera MU bo oluvannyuma.

Mu lw'e 18 Agamba Ajja kujja gye bali.

Mu lw'a 20 ng'Ayogera eri abayigirizwa Yagamba, "Ffe (Kitaffe n'Omwana) tujja kujja gy'ali." N'olw'ekyo Kitaffe, Omwana n'Omwoyo Omutukuvu bayingira mu kiseera kimu kubanga MUNTU OMU y'Alimu Obulamba bwa Katonda. Okulindirira okwo kwaliwo ku lunaku Iwa Pentekoote. Okujja kw'Omwoyo Omutukuvu si kwa mirundi ebiri, kwa mulundi gumu gwokka. Ekireeta omutawaana kiri nti abantu tebamanyi mazima gennyini bakkiiriza bukkiririza mu Yesu Iwa kuggyibwako bibi naye ne bateeyongerayo kufuna Mwoyo.

Nga ssinnamaliriza kya kuyiga kino, mmayi mulina ekibuuzo mu mitima gyammwe. Mujja kwagala okumanya oba nzikiririza mu njigiriza egamba nti omuntu abeerawo nga muntu wadde aba nga tannazaalibwa. Sikkiririza mu njigiriza eyo eya ba Mormon ey'okubeerawo kw'emyoyo nga bannyini myoyo tebannazaalibwa mu ngeri y'emu nga bwe sikkiririza mu eyo egamba nti omuntu bw'afa ate azaalibwa mu mubiri omulala ku nsi oba omwoyo okuzzibwa ne gukulira mu kintu ekirala ekitali muntu. Weegendereze wano olabe kino. Omuntu si y'ajja nga yategekebwa obutaggwaawo okuva eri Katonda eyo, KIGAMBO OBA ENSIGO. Ky'ekyo. Emabega eyo, ennyo ddala ebirowoozo by'omuntu gye bitayinza kufumiitiriza, Katonda Ataggwaawo n'ebirowoozo ebitakoma, yallowooza n'Alangirira,

"YAKOBO NNAMWAGALA NAYE ESAWU NNAMUKYAWA"

(Abaruumi 9:13),

"NGA TEBANNAZAALIBWA WADDE OKUKOLA EKIRUNGI OBA EKIBI"

Mulabe, kyali KIROWOZO, oluvannyuma ekirowoozo ekyo ne kyatulibwa, Katonda n'Agula Yakobo okumweddiza kuba Yakobo yekka ye yali ENSIGO. Yakobo, yekka ye yalina ensigo; eyo y'ensonga Iwaki obusika n'endagaano ya Katonda yabiteekamu ekitiibwa. Bw'oba oli nsigo, ntuu fu ojja kuwulira Ekigambo ekyo; Omwoyo Ajja kukubatiza mu mubiri gwa Kristo Akujjuze era Akuwe amaanyi era ojja kufuna Ekigambo ky'olunaku Iwo n'omulembe gwo. Mulaba obukakafu obutuufu nga bwe butangaala Ekigambo nga kibikkuliddwa gy'oli? Ate era, mulabe, Yesu ye Yali Ensigo Ennangira. Yabeeranga mu mubiri gw'obuntu. Omwoyo bwe Yamuyita (Ekirowoozo Ekyayolekebwa Ekigambo), yagenda ku Yoludaani era eyo n'Abatizibwa mu mazzi. Mu kugondera Ekigambo, Omwoyo Omutukuvu Yamukkako eddoboozi ne lyogera, "Ono ye Mwana Wange gwe njagala mumuwulire." Eddoboozi teryagamba nti "Ono Afuuse Omwana Wange", Yesu ye YALI Omwana. Omwoyo Omutukuvu Yamuteeka mu kifo ky'okuba Omwana mu maaso gaabwe bona. Olwo ng'Amaze okujjuzibwa (era nkola y'emu ye yaliwo ne ku Pentekoote n'oluvannyuma teyakyukako), Yagenda n'Akozesza amaanyi, yafuna okubikkulirwa okujjuvu okuva eri Katonda, okw'olunaku olwo.

Kati tubadde tukyogera emirundi mingi nti obukakafu obutuufu obulaga nti omuntu ajjuziddwa Omwoyo Omutukuvu bwe buno nti omukkiriza kwe kusembeza Ekigambo ky'omulembe ogwo gw'aba alimu. Leka nkibalagire ddala obutasigalamu kakunkuna.

Emirembe (Ebiro) Omusanvu nga bwe giragibwa mu Kubikkulirwa essuula 2 ne 3 bitwalira ddala ebiseera byonna eby'Okutuukirira kw'Abaamawanga, oba ebiseera byonna mu bulamba Katonda ng'Akolera mu b'Amawanga ng'Abawa obulokozi. Mu buli mulenbe nga tolina gw'oggyeeko, kintu kye kimu kyennyini kye kyogerebwa ku

ntandikwa ne ku nkomerero y'obubaka eri buli mulembe. "Eri omubaka wa (Efeso, Sumuna, Perugamo, Suwatira, Saadi, Firaderufiya, Lawodikiya) wandiika; Ebintu bino bw'Ayogera . . ." n'ebirala, n'ebirala. Alina okutu, (omu so si babiri) awulire Omwoyo ky'Agamba amakanisa." Weetegereze wano Yesu (okuyita mu Mwoyo) mu BULI mulembe Ayogera eri omuntu OMU akwataganako n'Ewigambo ky'omulembe ogwo. Omubaka OMU yekka owa buli mulembe y'afuna Omwoyo ky'ayogera eri omulembe ogwo era OMUBAKA OMU oyo ye mubaka eri ekkanisa entuufu. Ayogera ku lwa Katonda ng'ayita mu Kubikkulirwa eri "ekkanisa", zombi ey'obulimba n'eyamazima. Olwo obubaka ne busaasaanyizibwa eri bonna. Naye newankubadde busaasaanyizibwa eri bonna abasobola okubutuukirira, obubaka obwo bufunibwa kinnoomu ekibiina ekyo ekirina ebisaanyizo mu ngeri emu. Buli kinnoomu mu kibiina ekyo y'asobola okuwulira Omwoyo ky'Agamba ng'Ayita mu mubaka. Abo abawulira baba tebafuna kuvvunula kwabwe ku bwabwe okw'ekyama wadde ekibiina si kye kifunira awamu okubikkulirwa, NAYE BULI MUNTU AWULIRA ERA AFUNA OMUBAKA KY'ABA AMAZE OKUFUNA OKUVA ERI KATONDA.

Kati kino tekibeeuwuunyisa okuba nti kiri bwe kiti, kubanga Pawulo yateekawo enkola eno ng'ayambibwako omukono gwa Katonda. Pawulo yekka ye yafuna okubikkulirwa mu bujjuvu ebyo eby'omu nnaku ze nga bwe kirabibwa ng'abatume abalala bakkiriza nti Pawulo yali Nnabbi - Omubaka ow'omulembe ogwo eri ab'amawanga. Era laba nga bwe kinnyonnyolwa mu Kigambo, nti Pawulo bwe yayagala okugenda mu Asiya, Katonda Yamugaana, kubanga endiga (abaana Be) baali mu Makedoni era baali (aba Makedoni) ba kuwulira Omwoyo kye Yali Agenda okwogerera mu Pawulo, ate ng'abo ab'omu Asiya tebandiwulidde.

Tulina enkola y'emu yennyini mu buli mulembe. Eyo y'ensonga Iwaki omusana guyita mu mubaka eyatumibwa Katonda mu kifo gundi, okuva mu mubaka oyo omusana ne gusaasaanira mu buweereza bw'abalala abayigirizddwa n'obwesigwa. Wabula kwo okuba abo bona abafuluma tebayiga nga bwe kyetaagisa okwogera ekkyo KYOKKA omubaka ky'aba ayogedde. (Mujjukire, Pawulo yalabula abantu okwogera ekkyo kyokka kye yayogera, 1 Abakkolinso 14:37, "Omuntu yenna bwe yeerowooza okuba nnabbi oba ow'omwoyo amanye nti ebintu bye mbawandiikira nga bye BIRAGIRO BYA MUKAMA." Kiki? Ekigambo kya Katonda kyava mu mmwe? oba kyajja eri mmwe mwekka?" Bagattako wano oba batoolako wali, obubaka ne busaabulukuka olwo okudda obuggyia ne kufa. So nga tuteekwa okwegendereza okuwulira eddoboozi LIMU, kubanga Omwoyo Alina eddoboozi limu ng'eddoboozi eryo lye lya Katonda. Pawulo yabalabula boogere ekkyo kye yayogera, era nga ne Peetero bwe yakola. Yabalabula nti WADDE YE (PAWULO) yali tasobola kukyusa wadde ekigambo ekimu ku ebyo bye yabikkulirwa. Oh, so nga kikulu okuwulira eddoboozi lya Katonda nga liyita mu babaka Be, olwo twogere ekyabaweebwa okwogera eri amakanisa.

Nsuubira kati mutandise okukiraba. Oba oli awo kati musobola okutegeera ensonga Iwaki ssikkiriziganya n'abo abeeyita abalemara ku byasookawo n'Abapentekoote. Nnina okwekwata ku Kigambo engeri Mukama gye yakibikkulamu. Kati sibimazeeyo byonna. Ekyo kyanditutte ekitabo kiramba ekyetongodde, wabula nga tulina okuyambilwako kwa Mukama tujja kufuna okubuulira kungi, obubaka n'entambi ku bintu bino okubayamba mutegeere era mukwataganye n'Ebyawandiikibwa byonna.

"Oyo alina okutu awulire Omwoyo ky'Agamba amakanisa aga buli mulembe." Mu buli mulembe gwali omulanga gwe gumu. Wulira Omwoyo ky'Agamba. Bw'oba oli Mùkulisiaayo, ojja kuddayo ku ekyo Omwoyo ky'Ayigiriza, ekyo, ky'Ekigambo ky'omu mulembe guno. Buli mubaka eri buli mulembe ajja kubuilira Ekigambo ekyo. Buli kudda obuggyga okupya era okutuufu kwa kuba bwe kutyo lwa kuba abantu banaaba bazzeeyo eri Ekigambo ky'omulembe gwabwe. Eddoboozi eri buli mulembe kunenyezebwa bunenyezebwa; "Mulese Ekigambo kya Katonda. Mwenenye mukomewo eri Ekigambo." Okuva ku kitabo ekisooka mu Bayibuli (Olubereberye) okutuuka ku kisembayo (Okubikkulirwa) waliwo ensonga emu yokka esunguwaza Katonda — kuleka Kigambo; era waliwo eddagala limu lyokka erisobozesa abantu okuddamu okufuna okuganja mu maaso Ge kuddayo eri Kigambo.

Mu mulembe gwa Efeso, ne mu mulembe guno, ne mu buli mulembe gwe twetegereza tujja kulaba nga kino kituufu. Era mu mulembe ogusembayo nga gwe mulembe gwaffe, tujja kusanga enzikiza y'Ekigambo, okuwaba okw'okuva ku Kigambo kwennyini ng'enkomerero yakwo eri mu kibonyobonyo eky'ekitalo.

Bw'oba ng'oli nsigo ntuufu, bw'oba nqa wabatizibwa n'Omwoyo Omutukuvu, oija

kuteeka ekitiibwa mu Kigambo Kye okusinga emmere yo gye weetaaga, oyaayaanire okutambulira mu BULI Kigambo ekiva mu kamwa ka Katonda.

Eno y'essaala yange eri ffenna; tuwulire leero Omwoyo ky'Atuleetera okuva mu Kigambo.



[www.messagehub.info](http://www.messagehub.info)

Sermons By  
**William Marrion Branham**  
"... in the days of the voice ..." Rev. 10:7